

נפש שנאיך וגם ימים רבים לא שאלת ותשאל לך חכמה ומדע אשר תשפוט את עמי אשר המלכתיך עליו¹² החכמה והמדע נתון לך ועשר ונכסים וכבוד אתן לך אשר לא היה כן למלכים אשר לפניך ואחריך לא יהיה כן¹³ ויבא שלמה לבמה אשר בגבעון ירושלם מלפני אהל מועד וימלך על ישראל פ¹⁴ ויאסף שלמה רכב ופרשים ויהי לו אלף וארבע מאות רכב ושנים עשר אלף פרשים ויניחם בערי הרכב ועם המלך בירושלם¹⁵ ויתן המלך את הכסף ואת הזהב בירושלם כאבנים ואת הארזים נתן כשקמים אשר בשפלה לרב¹⁶ ומוצא הסוסים אשר לשלמה ממצרים ומקוא סחרי המלך מקוא יקחו במחיר¹⁷ ויעלו ויוציאו ממצרים מרכבה בשש מאות כסף וסוס בחמשים ומאה וכן לכל מלכי החתים ומלכי ארם בידם יוציאו¹⁸ ויאמר שלמה לבנות בית לשם יהוה ובית למלכותו

2 ויספר שלמה שבעים אלף איש סבל ושמונים אלף איש חצב בהר ומנצחים עליהם שלשת אלפים ושש מאות פ² וישלח שלמה אל חורם מלך צר לאמר כאשר עשית עם דויד אבי ותשלח לו ארזים לבנות לו בית לשבת בו³ הנה אני בונה בית לשם יהוה אלהי להקדיש לו להקטיר לפניו קטרת סמים ומערכת

2 Chronicles

דברי הימים ב

1 ויתחזק שלמה בן דויד על מלכותו ויהוה אלהיו עמו ויגדלהו למעלה² ויאמר שלמה לכל ישראל לשרי האלפים והמאות ולשפטים ולכל נשיא לכל ישראל ראשי האבות³ וילכו שלמה וכל הקהל עמו לבמה אשר בגבעון כי שם היה אהל מועד האלהים אשר עשה משה עבד יהוה במדבר⁴ אבל ארון האלהים העלה דויד מקרית יערים בהכין לו דויד כי נטה לו אהל בירושלם⁵ ומזבח הנחשת אשר עשה בצלאל בן אורי בן חור שם לפני משכן יהוה וידרשהו שלמה והקהל⁶ ויעל שלמה שם על מזבח הנחשת לפני יהוה אשר לאהל מועד ויעל עליו עלות אלף⁷ בלילה ההוא נראה אלהים לשלמה ויאמר לו שאל מה אתן לך⁸ ויאמר שלמה לאלהים אתה עשית עם דויד אבי חסד גדול והמלכתני תחתיו⁹ עתה יהוה אלהים יאמן דברך עם דויד אבי כי אתה המלכתני על עם רב כעפר הארץ¹⁰ עתה חכמה ומדע תן לי ואצאה לפני העם הזה ואבואה כי מי ישפט את עמך הזה הגדול ס¹¹ ויאמר אלהים לשלמה יען אשר היתה זאת עם לבבך ולא שאלת עשר נכסים וכבוד ואת

בארגמן בתכלת ובבוץ ובכרמיל ולפתח כל פתוח ולחשב כל מחשבת אשר ינתן לו עם חכמך וחכמי אדני דויד אביך¹⁴ ועתה החטים והשערים השמן והיין אשר אמר אדני ישלח לעבדיו¹⁵ ואנחנו נכרת עצים מן הלבנון ככל צרכך ונביאם לך רפסדות על ים יפו ואתה תעלה אתם ירושלם^פ ויספר שלמה כל האנשים הגירים אשר בארץ ישראל אחרי הספר אשר ספרם דויד אביו וימצאו מאה וחמשים אלף ושלשת אלפים ושש מאות¹⁷ ויעש מהם שבעים אלף סבל ושמונים אלף חצב בהר ושלשת אלפים ושש מאות מנצחים להעביד את העם

3 ויחל שלמה לבנות את בית יהוה בירושלם בהר המוריה אשר נראה לדויד אביהו אשר הכין במקום דויד בגרן ארגן היבוסי² ויחל לבנות בחדש השני בשני בשנת ארבע למלכותו³ ואלה הוסד שלמה לבנות את בית האלהים הארץ אמות במדה הראשונה אמות ששים ורחב אמות עשרים⁴ והאולם אשר על פני הארץ על פני רחב הבית אמות עשרים והגבה מאה ועשרים ויצפהו מפנימה זהב טהור⁵ ואת הבית הגדול חפה עץ ברושים ויחפהו זהב טוב ויעל עליו תמרים ושרשרות⁶ ויצף את הבית אבן יקרה לתפארת והזהב זהב

תמיד ועלות לבקר ולערב לשבתות ולחדשים ולמועדי יהוה אלהינו לעולם זאת על ישראל⁴ והבית אשר אני בונה גדול כי גדול אלהינו מכל האלהים⁵ ומי יעצר כח לבנות לו בית כי השמים ושמי השמים לא יכלכלהו ומי אני אשר אבנה לו בית כי אם להקטיר לפניו⁶ ועתה שלח לי איש חכם לעשות בזהב ובכסף ובנחשת ובברזל ובארגון וכרמיל ותכלת וידע לפתח פתוחים עם החכמים אשר עמי ביהודה ובירושלם אשר הכין דויד אבי⁷ ושלח לי עצי ארזים ברושים ואלגומים מהלבנון כי אני ידעתי אשר עבדיך יודעים לכרות עצי לבנון והנה עבדי עם עבדיך⁸ ולהכין לי עצים לרב כי הבית אשר אני בונה גדול והפלא⁹ והנה לחטבים לכרתי העצים נתתי חטים מכות לעבדיך כרים עשרים אלף ושערים כרים עשרים אלף ויין בתים עשרים אלף ושמן בתים עשרים אלף^פ ויאמר חורם מלך צר בכתב וישלח אל שלמה באהבת יהוה את עמו נתנד עליהם מלך¹¹ ויאמר חורם ברוך יהוה אלהי ישראל אשר עשה את השמים ואת הארץ אשר נתן לדויד המלך בן חכם יודע שכל ובינה אשר יבנה בית ליהוה ובית למלכותו¹² ועתה שלחתי איש חכם יודע בינה לחורם אבי¹³ בן אשה מן בנות דן ואביו איש צרי יודע לעשות בזהב ובכסף בנחשת בברזל באבנים ובעצים

4 ויעש מזבח נחשת עשרים אמה ארכו
 ועשרים אמה רחבו ועשר אמות
 קומתו ² ויעש את הים מוצק עשר
 באמה משפתו אל שפתו עגול סביב
 וחמש באמה קומתו וקו שלשים באמה
 יסב אתו סביב ³ ודמות בקרים תחת לו
 סביב סביב סובבים אתו עשר באמה
 מקיפים את הים סביב שנים טורים הבקר
 יצוקים במצקתו ⁴ עומד על שנים עשר
 בקר שלשה פנים צפונה ושלושה פנים
 ימה ושלושה פנים נגבה ושלושה פנים
 מזרחה והים עליהם מלמעלה וכל
 אחריהם ביתה ⁵ ועביו טפח ושפתו
 כמעשה שפת כוס פרח שושנה מחזיק
 בתים שלשת אלפים יכיל ⁶ ויעש
 כיורים עשרה ויתן חמשה מימין וחמשה
 משמאל לרחצה בהם את מעשה העולה
 ידיחו בם והים לרחצה לכהנים
 בו ⁷ ויעש את מנרות הזהב עשר
 כמשפטם ויתן בהיכל חמש מימין וחמש
 משמאל ⁸ ויעש שלחנות עשרה
 וינח בהיכל חמשה מימין וחמשה
 משמאל ויעש מזרקי זהב מאה ⁹ ויעש
 חצר הכהנים והעזרה הגדולה ודלתות
 לעזרה ודלתותיהם צפה נחשת ¹⁰ ואת
 הים נתן מכתף הימנית קדמה ממול
 נגבה ¹¹ ויעש חורם את הסירות ואת
 היעים ואת המזרקות ¹² ויכל **חירם**
חורם לעשות את המלאכה אשר עשה

פרוים ⁷ ויחף את הבית הקרות הספים
 וקירותיו ודלתותיו זהב ופתח כרובים על
 הקירות ⁸ ויעש את בית קדש
 הקדשים ארכו על פני רחב הבית אמות
 עשרים ורחבו אמות עשרים ויחפהו זהב
 טוב לככרים שש מאות ⁹ ומשקל
 למסמרות לשקלים חמשים זהב והעליות
 חפה זהב ¹⁰ ויעש בבית קדש הקדשים
 כרובים שנים מעשה צעצעים ויצפו אתם
 זהב ¹¹ וכנפי הכרובים ארכם אמות
 עשרים כנף האחד לאמות חמש מגעת
 לקיר הבית והכנף האחרת אמות חמש
 מגיע לכנף הכרוב האחר ¹² וכנף הכרוב
 האחד אמות חמש מגיע לקיר הבית
 והכנף האחרת אמות חמש דבקה לכנף
 הכרוב האחר ¹³ כנפי הכרובים האלה
 פרשים אמות עשרים והם עמדים על
 רגליהם ופניהם לבית ¹⁴ ויעש את
 הפרכת תכלת וארגמן וכרמיל ובוץ ויעל
 עליו כרובים ¹⁵ ויעש לפני הבית
 עמודים שנים אמות שלשים וחמש ארך
 והצפת אשר על ראשו אמות
 חמש ¹⁶ ויעש שרשרות בדביר ויתן
 על ראש העמדים ויעש רמונים מאה ויתן
 בשרשרות ¹⁷ ויקם את העמודים על פני
 ההיכל אחד מימין ואחד מהשמאל
 ויקרא שם **הימני הימני** יכין ושם השמאלי
 בעז ¹⁸

קדשי דויד אביו ואת הכסף ואת הזהב
ואת כל הכלים נתן באצרות בית
האלהים פ

² אז יקהיל שלמה את זקני ישראל ואת
כל ראשי המטות נשיאי האבות לבני
ישראל אל ירושלם להעלות את ארון
ברית יהוה מעיר דויד היא ציון ³ ויקהל
אל המלך כל איש ישראל בחג הוא
החדש השבעי ⁴ ויבאו כל זקני ישראל
וישאו הלויים את הארון ⁵ ויעלו את הארון
ואת אהל מועד ואת כל כלי הקדש אשר
באהל העלו אתם הכהנים הלויים ⁶ והמלך
שלמה וכל עדת ישראל הנועדים עליו
לפני הארון מזבחים צאן ובקר אשר לא
יספרו ולא ימנו מרב ⁷ ויביאו הכהנים את
ארון ברית יהוה אל מקומו אל דביר
הבית אל קדש הקדשים אל תחת כנפי
הכרובים ⁸ ויהיו הכרובים פרשים כנפים
על מקום הארון ויכסו הכרובים על
הארון ועל בדיו מלמעלה ⁹ ויאריכו
הבדים ויראו ראשי הבדים מן הארון על
פני הדביר ולא יראו החוצה ויהי שם עד
היום הזה ¹⁰ אין בארון רק שני הלחות
אשר נתן משה בחרב אשר כרת יהוה
עם בני ישראל בצאתם ממצרים פ
¹¹ ויהי בצאת הכהנים מן הקדש כי כל
הכהנים הנמצאים התקדשו אין לשמור
למחלקות ¹² והלויים המשררים לכלם
לאסף להימן לידתון ולבניהם ולאחיהם
מלבשים בוץ במצלתים ובנבלים וכנרות

למלך שלמה בבית האלהים ¹² עמודים
שנים והגלות והכתרות על ראש
העמודים שתיים והשבכות שתיים לכסות
את שתי גלות הכתרות אשר על ראש
העמודים ¹³ ואת הרמונים ארבע מאות
לשתי השבכות שנים טורים רמונים
לשבכה האחת לכסות את שתי גלות
הכתרות אשר על פני העמודים ¹⁴ ואת
המכנות עשה ואת הכירות עשה על
המכנות ¹⁵ את הים אחד ואת הבקר
שנים עשר תחתיו ¹⁶ ואת הסירות ואת
היעים ואת המזלגות ואת כל כליהם
עשה חורם אביו למלך שלמה לבית יהוה
נחשת מרוק ¹⁷ בככר הירדן יצקם המלך
בעבי האדמה בין סכות ובין
צרדתה ¹⁸ ויעש שלמה כל הכלים האלה
לרב מאד כי לא נחקר משקל הנחשת פ
¹⁹ ויעש שלמה את כל הכלים אשר בית
האלהים ואת מזבח הזהב ואת השלחנות
ועליהם לחם הפנים ²⁰ ואת המנרות
ונרתיהם לבערם כמשפט לפני הדביר
זהב סגור ²¹ והפרח והנרות והמלקחים
זהב הוא מכלות זהב ²² והמזמרות
והמזרקות והכפות והמחתות זהב סגור
ופתח הבית דלתותיו הפנימיות לקדש
הקדשים ודלתי הבית להיכל זהב

5 ותשלם כל המלאכה אשר עשה
שלמה לבית יהוה פ ויבא שלמה את

יבנה הבית לשמי¹⁰ ויקם יהוה את דברו אשר דבר ואקום תחת דויד אבי ואשב על כסא ישראל כאשר דבר יהוה ואבנה הבית לשם יהוה אלהי ישראל¹¹ ואשים שם את הארון אשר שם ברית יהוה אשר כרת עם בני ישראל¹² ויעמד לפני מזבח יהוה נגד כל קהל ישראל ויפרש כפיו¹³ כי עשה שלמה כיור נחשת ויתנהו בתוך העזרה חמש אמות ארכו וחמש אמות רחבו ואמות שלוש קומתו ויעמד עליו ויברך על ברכיו נגד כל קהל ישראל ויפרש כפיו השמימה¹⁴ ויאמר יהוה אלהי ישראל אין כמוך אלהים בשמים ובארץ שמר הברית והחסד לעבדיך ההלכים לפניך בכל לבם¹⁵ אשר שמרת לעבדך דויד אבי את אשר דברת לו ותדבר בפך ובידך מלאת כיום הזה¹⁶ ועתה יהוה אלהי ישראל שמר לעבדך^c דויד אבי את אשר דברת לו לאמר לא יכרת לך איש מלפני יושב על כסא ישראל רק אם ישמרו בניך את דרכם ללכת בתורתך כאשר הלכת לפני¹⁷ ועתה יהוה אלהי ישראל יאמן דברך אשר דברת לעבדך לדויד¹⁸ כי האמנם ישב אלהים את האדם על הארץ הנה שמים ושמי השמים לא יכלכלוך אף כי הבית הזה אשר בניתי¹⁹ ופנית אל תפלת עבדך ואל תחנתו יהוה אלהי לשמע אל הרנה ואל

עמדים מזרח למזבח ועמהם כהנים למאה ועשרים **מחצרים** **מחצרים** בחצרות¹³ ויהי כאחד **למחצרים** **למחצרים** ולמשררים להשמיע קול אחד להלל ולהדות ליהוה וכהרים קול בחצרות ובמצלתים ובכלי השיר ובהלל ליהוה כי טוב כי לעולם חסדו והבית מלא ענן בית יהוה¹⁴ ולא יכלו הכהנים לעמוד לשרת מפני הענן כי מלא כבוד יהוה את בית האלהים פ

6 אז אמר שלמה יהוה אמר לשכון בערפל² ואני בניתי בית זבל לך ומכון לשבתך עולמים³ ויסב המלך את פניו ויברך את כל קהל ישראל וכל קהל ישראל עומד⁴ ויאמר ברוך יהוה אלהי ישראל אשר דבר בפיו את דויד אבי ובידיו מלא לאמר⁵ מן היום אשר הוצאתי את עמי מארץ מצרים לא בחרתי בעיר מכל שבטי ישראל לבנות בית להיות שמי שם ולא בחרתי באיש להיות נגיד על עמי ישראל⁶ ואבחר בירושלם להיות שמי שם ואבחר בדויד להיות על עמי ישראל⁷ ויהי עם לבב דויד אבי לבנות בית לשם יהוה אלהי ישראל⁸ ויאמר יהוה אל דויד אבי יען אשר היה עם לבבך לבנות בית לשמי הטיבות כי היה עם לבבך⁹ רק אתה לא תבנה הבית כי בנך היוצא מחלציד הוא

^c We read one or more accents in L differently than BHS. Often this notation indicates a typographical error in BHS.

אשר יהיה לכל האדם ולכל עמך ישראל
 אשר ידעו איש נגעו ומכאבו ופרש כפיו
 אל הבית הזה³⁰ ואתה תשמע מן השמים
 מכון שבתך וסלחת ונתתה לאיש ככל
 דרכיו אשר תדע את לבבו כי אתה לבדך
 ידעת את לבב בני האדם³¹ למען ייראוך
 ללכת בדרכיך כל הימים אשר הם חיים
 על פני האדמה אשר נתתה
 לאבתינו ׀³² וגם אל הנכרי אשר לא
 מעמדך ישראל הוא ובא מארץ רחוקה
 למען שמך הגדול וידך החזקה וזרועך
 הנטויה ובאו והתפללו אל הבית
 הזה³³ ואתה תשמע מן השמים ממכון
 שבתך ועשית ככל אשר יקרא אליך
 הנכרי למען ידעו כל עמי הארץ את שמך
 וליראה אתך כעמדך ישראל ולדעת כי
 שמך נקרא על הבית הזה אשר
 בניתי³⁴ כי יצא עמך למלחמה על אויביו
 בדרך אשר תשלחם והתפללו אליך דרך
 העיר הזאת אשר בחרת בה והבית אשר
 בניתי לשמך³⁵ ושמעת מן השמים את
 תפלתם ואת תחנונם ועשית
 משפטם³⁶ כי יחטאו לך כי אין אדם אשר
 לא יחטא ואנפת במ ונתתם לפני אויב
 ושבום שוביהם אל ארץ רחוקה או
 קרובה³⁷ והשיבו אל לבבם בארץ אשר
 נשבו שם ושבו והתחנונו אליך בארץ
 שבים לאמר חטאנו העוינו
 ורשענו³⁸ ושבו אליך בכל לבם ובכל
 נפשם בארץ שבים אשר שבו אתם

התפלה אשר עבדך מתפלל
 לפניך²⁰ להיות עיניך פתוחות אל הבית
 הזה יומם ולילה אל המקום אשר אמרת
 לשום שמך שם לשמוע אל התפלה אשר
 יתפלל עבדך אל המקום הזה²¹ ושמעת
 אל תחנוני עבדך ועמדך ישראל אשר
 יתפללו אל המקום הזה ואתה תשמע
 ממקום שבתך מן השמים ושמעת
 וסלחת²² אם יחטא איש לרעהו ונשא בו
 אלה להאלתו ובא אלה לפני מזבחתך
 בבית הזה²³ ואתה תשמע מן השמים
 ועשית ושפטת את עבדיך להשיב לרשע
 לתת דרכו בראשו ולהצדיק צדיק לתת
 לו כצדקתו ׀²⁴ ואם ינגף עמך ישראל
 לפני אויב כי יחטאו לך ושבו והודו את
 שמך והתפללו והתחנונו לפניך בבית
 הזה²⁵ ואתה תשמע מן השמים וסלחת
 לחטאת עמך ישראל והשיבותם אל
 האדמה אשר נתתה להם ולאבתיהם ׀²⁶
 בהעצר השמים ולא יהיה מטר כי
 יחטאו לך והתפללו אל המקום הזה
 והודו את שמך מחטאתם ישובון כי
 תענם²⁷ ואתה תשמע השמים וסלחת
 לחטאת עבדיך ועמדך ישראל כי תורם אל
 הדרך הטובה אשר ילכו בה ונתתה מטר
 על ארצך אשר נתתה לעמדך
 לנחלה ׀²⁸ רעב כי יהיה בארץ דבר
 כי יהיה שדפון וירקון ארבה וחסיל כי
 יהיה כי יצר לו אויביו בארץ שעריה כל
 נגע וכל מחלה²⁹ כל תפלה כל תחנה

דויד המלך להדות ליהוה כי לעולם חסדו
 בהלל דויד בידם והכהנים **מחצרים**
מחצרים נגדם וכל ישראל
 עמדים **ו** ⁷ ויקדש שלמה את תוך
 החצר אשר לפני בית יהוה כי עשה שם
 העלות ואת חלבי השלמים כי מזבח
 הנחשת אשר עשה שלמה לא יכול
 להכיל את העלה ואת המנחה ואת
 החלבים ⁸ ויעש שלמה את החג בעת
 ההיא שבעת ימים וכל ישראל עמו קהל
 גדול מאד מלבוא חמת עד נחל
 מצרים ⁹ ויעשו ביום השמיני עצרת כי
 חנכת המזבח עשו שבעת ימים והחג
 שבעת ימים ¹⁰ וביום עשרים ושלושה
 לחדש השביעי שלח את העם לאהליהם
 שמחים וטובי לב על הטובה אשר עשה
 יהוה לדויד ולשלמה ולישראל
 עמו ¹¹ ויכל שלמה את בית יהוה ואת
 בית המלך ואת כל הבא על לב שלמה
 לעשות בבית יהוה ובביתו הצליח **פ**
¹² וירא יהוה אל שלמה בלילה ויאמר לו
 שמעתי את תפלתך ובחרתי במקום הזה
 לי לבית זבח ¹³ הן אעצר השמים ולא
 יהיה מטר והן אצוה על חגב לאכול
 הארץ ואם אשלח דבר בעמי ¹⁴ ויכנעו
 עמי אשר נקרא שמי עליהם ויתפללו
 ויבקשו פני וישבו מדרכיהם הרעים ואני
 אשמע מן השמים ואסלח לחטאתם
 וארפא את ארצם ¹⁵ עתה עיני יהיו
 פתחות ואזני קשבות לתפלת המקום

והתפללו דרך ארצם אשר נתתה
 לאבותם והעיר אשר בחרת ולבית אשר
 בניתי לשמך ³⁹ ושמעת **צ** מן השמים
 ממכון שבתך את תפלתם ואת תחנתיהם
 ועשית משפטם וסלחת לעמך אשר
 חטאו לך ⁴⁰ עתה אלהי יהו נא עיניך
 פתחות ואזניך קשבות לתפלת המקום
 הזה **ס** ⁴¹ ועתה קומה יהוה אלהים
 לנוחך אתה וארון עזך כהניך יהוה
 אלהים ילבשו תשועה וחסידך ישמחו
 בטוב ⁴² יהוה אלהים אל תשב פני
 משיחך זכרה לחסדי דויד עבדך **פ**

7 וככלות שלמה להתפלל והאש ירדה
 מהשמים ותאכל העלה והזבחים וכבוד
 יהוה מלא את הבית ² ולא יכלו הכהנים
 לבוא אל בית יהוה כי מלא כבוד יהוה
 את בית יהוה ³ וכל בני ישראל ראים
 ברדת האש וכבוד יהוה על הבית ויכרעו
 אפים ארצה על הרצפה וישתחוו והודות
 ליהוה כי טוב כי לעולם חסדו ⁴ והמלך
 וכל העם זבחים זבח לפני
 יהוה **ס** ⁵ ויזבח המלך שלמה את זבח
 הבקר עשרים ושנים אלף וצאן מאה
 ועשרים אלף ויחנכו את בית האלהים
 המלך וכל העם ⁶ והכהנים על משמרותם
 עמדים והלויים בכלי שיר יהוה אשר עשה

c We read one or more accents in L differently than
 BHS. Often this notation indicates a typographical
 error in BHS.

בית חורון התחתון ערי מצור חומות
 דלתים ובריה⁶ ואת בעלת ואת כל ערי
 המסכנות אשר היו לשלמה ואת כל ערי
 הרכב ואת ערי הפרשים ואת כל חשק
 שלמה אשר חשק לבנות בירושלם
 ובלבנון ובכל ארץ ממשלתו⁷ כל העם
 הנותר מן החתי והאמרי והפרזי והחוי
 והיבوسی אשר לא מישראל המה⁸ מן
 בניהם אשר נותרו אחריהם בארץ אשר
 לא כלום בני ישראל ויעלם שלמה למס
 עד היום הזה⁹ ומן בני ישראל אשר לא
 נתן שלמה לעבדים למלאכתו כי המה
 אנשי מלחמה ושרי שליטיו ושרי רכבו
 ופרשיו פ

¹⁰ ואלה שרי הנציבים הנצבים^y אשר למלך
 שלמה חמשים ומאתים הרדים
 בעם¹¹ ואת בת פרעה העלה שלמה
 מעיר דויד לבית אשר בנה לה כי אמר
 לא תשב אשה לי בבית דויד מלך ישראל
 כי קדש המה אשר באה אליהם ארון
 יהוה פ

¹² אז העלה שלמה עלות ליהוה על מזבח
 יהוה אשר בנה לפני האולם¹³ ובדבר יום
 ביום להעלות כמצות משה לשבתות
 ולחדשים ולמועדות שלוש פעמים בשנה
 בחג המצות ובחג השבעות ובחג
 הסכות¹⁴ ויעמד כמשפט דויד אביו את
 מחלקות הכהנים על עבדתם והלויים על

הזה¹⁶ ועתה בחרתי והקדשתי את הבית
 הזה להיות שמי שם עד עולם והיו עיני
 ולבי שם כל הימים¹⁷ ואתה אם תלך לפני
 כאשר הלך דויד אביך ולעשות ככל אשר
 צויתך וחקי ומשפטי תשמור¹⁸ והקימותי
 את כסא מלכותך כאשר כרתי לדויד
 אביך לאמר לא יכרת לך איש מושל
 בישראל¹⁹ ואם תשובון אתם ועזבתם
 חקותי ומצותי אשר נתתי לפניכם
 והלכתם ועבדתם אלהים אחרים
 והשתחוויתם להם²⁰ ונתשתים מעל
 אדמתי אשר נתתי להם ואת הבית הזה
 אשר הקדשתי לשמי אשליך מעל פני
 ואתננו למשל ולשנינה בכל
 העמים²¹ והבית הזה אשר היה עליון לכל
 עבר עליו ישם ואמר במה עשה יהוה
 ככה לארץ הזאת ולבית הזה²² ואמרו על
 אשר עזבו את יהוה אלהי אבתיהם אשר
 הוציאם מארץ מצרים ויחזיקו באלהים
 אחרים וישתחוו להם ויעבדום על כן
 הביא עליהם את כל הרעה הזאת פ

8 ויהי מקץ עשרים שנה אשר בנה
 שלמה את בית יהוה ואת ביתו² והערים
 אשר נתן חורם לשלמה בנה שלמה אתם
 ויושב שם את בני ישראל³ וילך שלמה
 חמת צובה ויחזק עליה⁴ ויבן את תדמר
 במדבר ואת כל ערי המסכנות אשר בנה
 בחמת⁵ ויבן את בית חורון העליון ואת

^y Yathir readings in L which we have designated as Qeres when both Dothan and BHS list a Qere.

האמנתי לדבריהם עד אשר באתי ותראינה עיני והנה לא הגד לי חצי מרבית חכמתך יספת על השמועה אשר שמעתי⁷ אשרי אנשיך ואשרי עבדיך אלה העמדים לפניך תמיד ושמעים את חכמתך⁸ יהי יהוה אלהיך ברוך אשר חפץ בך לתתך על כסאו למלך ליהוה אלהיך באהבת אלהיך את ישראל להעמידו לעולם ויתנך עליהם למלך לעשות משפט וצדקה⁹ ותתן למלך מאה ועשרים ככר זהב ובשמים לרב מאד ואבן יקרה ולא היה כבשם ההוא אשר נתנה מלכת שבא למלך שלמה¹⁰ וגם עבדי **חירם** **חורם** ועבדי שלמה אשר הביאו זהב מאופיר הביאו עצי אלגומים ואבן יקרה¹¹ ויעש המלך את עצי האלגומים מסלות לבית יהוה ולבית המלך וכנרות ונבלים לשרים ולא נראו כהם לפנים בארץ יהודה¹² והמלך שלמה נתן למלכת שבא את כל חפצה אשר שאלה מלבד אשר הביאה אל המלך ותהפך ותלך לארצה היא ועבדיה **פ**¹³ ויהי משקל הזהב אשר בא לשלמה בשנה אחת שש מאות וששים ושש ככרי זהב¹⁴ לבד מאנשי התרים והסחרים מביאים וכל מלכי ערב ופחות הארץ מביאים זהב וכסף לשלמה¹⁵ ויעש המלך שלמה מאתים צנה זהב שחוט שש מאות זהב שחוט יעלה על הצנה האחת¹⁶ ושלוש מאות מגנים זהב שחוט

משמרותם להלל ולשרת נגד הכהנים לדבר יום ביומו והשוערים במחלקותם לשער ושער כי כן מצות דויד איש האלהים¹⁵ ולא סרו מצות המלך על הכהנים והלויים לכל דבר ולאצרות¹⁶ ותכן כל מלאכת שלמה עד היום מוסד בית יהוה ועד כלתו שלם בית יהוה **ס**¹⁷ אז הלך שלמה לעציון גבר ואל אילות על שפת הים בארץ אדום¹⁸ וישלח לו חורם ביד עבדיו **אניות** **אניות** ועבדים יודעי ים ויבאו עם עבדי שלמה אופירה ויקחו משם ארבע מאות וחמשים ככר זהב ויביאו אל המלך שלמה **פ**

9 ומלכת שבא שמעה את שמע שלמה ותבוא לנסות את שלמה בחידות בירושלם בחיל כבד מאד וגמלים נשאים בשמים וזהב לרב ואבן יקרה ותבוא אל שלמה ותדבר עמו את כל אשר היה עם לבבה² ויגד לה שלמה את כל דבריה ולא נעלם דבר משלמה אשר לא הגיד לה³ ותרא מלכת שבא את חכמת שלמה והבית אשר בנה⁴ ומאכל שלחנו ומושב עבדיו ומעמד משרתיו ומלבושיהם ומשקיו ומלבושיהם ועליתו אשר יעלה בית יהוה ולא היה עוד בה רוח⁵ ותאמר אל המלך אמת הדבר אשר שמעתי בארצי על דבריך ועל חכמתך⁶ ולא

בשפלה לרב²⁸ ומוציאים סוסים ממצרים לשלמה ומכל הארצות²⁹ ושאר דברי שלמה הראשנים והאחרונים הלא הם כתובים על דברי נתן הנביא ועל נבואת אחיה השילוני ובחזות **יעדי** יעדו החזה על ירבעם בן נבט³⁰ וימלך שלמה בירושלם על כל ישראל ארבעים שנה³¹ וישכב שלמה עם אבתיו ויקברהו בעיר דויד אביו וימלך רחבעם בנו תחתיו פ

10 וילך רחבעם שכמה כי שכם באו כל ישראל להמליך אתו² ויהי כשמע ירבעם בן נבט והוא במצרים אשר ברח מפני שלמה המלך וישב ירבעם ממצרים³ וישלחו ויקראו לו ויבא ירבעם וכל ישראל וידברו אל רחבעם לאמר⁴ אביך הקשה את עלנו ועתה הקל מעבדת אביך הקשה ומעלו הכבד אשר נתן עלינו ונעבדך⁵ ויאמר אלהם עוד שלשת ימים ושובו אלי וילך העם ס⁶ ויועץ המלך רחבעם את הזקנים אשר היו עמדים לפני שלמה אביו בהיתו חי לאמר איך אתם נועצים להשיב לעם הזה דבר⁷ וידברו אליו לאמר אם תהיה לטוב להעם הזה ורציתם ודברת אלהם דברים טובים והיו לך עבדים כל הימים⁸ ויעזב את עצת הזקנים אשר יעצוהו ויועץ את הילדים אשר גדלו אתו העמדים לפניו⁹ ויאמר אלהם מה אתם

שלש מאות זהב יעלה על המגן האחת ויתנם המלך בבית יער הלבנון פ¹⁷ ויעש המלך כסא שן גדול ויצפהו זהב טהור¹⁸ ושש מעלות לכסא וכבש בזהב לכסא מאחזים וידות מזה ומזה על מקום השבת ושנים אריות עמדים אצל הידות¹⁹ ושנים עשר אריות עמדים שם על שש המעלות מזה ומזה לא נעשה כן לכל ממלכה²⁰ וכל כלי משקה המלך שלמה זהב וכל כלי בית יער הלבנון זהב סגור אין כסף נחשב בימי שלמה למאומה²¹ כי אניות למלך הלכות תרשיש עם עבדי חורם אחת לשלוש שנים תבואנה אניות תרשיש נשאות זהב וכסף שנהבים וקופים ותוכיים פ²² ויגדל המלך שלמה מכל מלכי הארץ לעשר וחכמה²³ וכל מלכי הארץ מבקשים את פני שלמה לשמע את חכמתו אשר נתן האלהים בלבו²⁴ והם מביאים איש מנחתו כלי כסף וכלי זהב ושלמות נשק ובשמים סוסים ופרדים דבר שנה שנה בשנה פ²⁵ ויהי לשלמה ארבעת אלפים אריות סוסים ומרכבות ושנים עשר אלף פרשים ויניחם בערי הרכב ועם המלך בירושלם²⁶ ויהי מושל בכל המלכים מן הנהר ועד ארץ פלשתים ועד גבול מצרים²⁷ ויתן המלך את הכסף בירושלם כאבנים ואת הארזים נתן כשקמים אשר

ירושלם ם¹⁹ ויפשעו ישראל בבית
דויד עד היום הזה ם

11 ויבא רחבעם ירושלם ויקהל את
בית יהודה ובנימן מאה ושמונים אלף
בתור עשה מלחמה להלחם עם ישראל
להשיב את הממלכה לרחבעם ם²
ויהי דבר יהוה אל שמעיהו איש
האלהים לאמר³ אמר אל רחבעם בן
שלמה מלך יהודה ואל כל ישראל
ביהודה ובנימן לאמר⁴ כה אמר יהוה לא
תעלו ולא תלחמו עם אחיכם שובו איש
לביתו כי מאתי נהיה הדבר הזה וישמעו
את דברי יהוה וישבו מלכת אל ירבעם ם⁵
וישב רחבעם בירושלם ויבן ערים
למצור ביהודה⁶ ויבן את בית לחם ואת
עיטם ואת תקוע⁷ ואת בית צור ואת
שוכו ואת עדלם⁸ ואת גת ואת מרשה
ואת זיף⁹ ואת אדורים ואת לכיש ואת
עזקה¹⁰ ואת צרעה ואת אילון ואת חברון
אשר ביהודה ובבנימן ערי
מצרות¹¹ ויחזק את המצרות ויתן בהם
נגידים ואצרות מאכל ושמן ויין¹² ובכל
עיר ועיר צנות ורמחים ויחזקם להרבה
מאד ויהי לו יהודה
ובנימן ם¹³ והכהנים והלויים אשר בכל
ישראל התיצבו עליו מכל גבולם¹⁴ כי
עזבו הלויים את מגרשיהם ואחזתם וילכו
ליהודה ולירושלם כי הזניחם ירבעם ובניו

נועצים ונשיב דבר את העם הזה אשר
דברו אלי לאמר הקל מן העל אשר נתן
אביך עלינו¹⁰ וידברו אתו הילדים אשר
גדלו אתו לאמר כה תאמר לעם אשר
דברו אליך לאמר אביך הכביד את עלנו
ואתה הקל מעלינו כה תאמר אלהם קטני
עבה ממתני אבי¹¹ ועתה אבי העמיס
עליכם על כבד ואני אסיף על עלכם אבי
יסר אתכם בשוטים ואני
בעקרבים ם¹² ויבא ירבעם וכל העם
אל רחבעם ביום השלשי כאשר דבר
המלך לאמר שובו אלי ביום
השלשי¹³ ויענם המלך קשה ויעזב המלך
רחבעם את עצת הזקנים¹⁴ וידבר אלהם
כעצת הילדים לאמר אכביד את עלכם
ואני אסיף עליו אבי יסר אתכם בשוטים
ואני בעקרבים¹⁵ ולא שמע המלך אל
העם כי היתה נסבה מעם האלהים למען
הקים יהוה את דברו אשר דבר ביד
אחיהו השלוני אל ירבעם בן נבט¹⁶ וכל
ישראל כי לא שמע המלך להם וישיבו
העם את המלך לאמר מה לנו חלק
בדויד ולא נחלה בבן ישי איש לאהליך
ישראל עתה ראה ביתך דויד וילך כל
ישראל לאהליו ם¹⁷ ובני ישראל
הישיבים בערי יהודה וימלך עליהם
רחבעם¹⁸ וישלח המלך רחבעם את
הדרם אשר על המס וירגמו בו בני
ישראל אבן וימת והמלך רחבעם התאמץ
לעלות במרכבה לנוס

ובששים אלף פרשים ואין מספר לעם
 אשר באו עמו ממצרים לובים סכיים
 וכושים⁴ וילכד את ערי המצרות אשר
 ליהודה ויבא עד ירושלם⁵ ושמעיה
 הנביא בא אל רחבעם ושרי יהודה אשר
 נאספו אל ירושלם מפני שישק ויאמר
 להם כה אמר יהוה אתם עזבתם אתי
 ואף אני עזבתי אתכם ביד שישק⁶ ויכנעו
 שרי ישראל והמלך ויאמרו צדיק
 יהוה⁷ ובראות יהוה כי נכנעו היה דבר
 יהוה^c אל שמעיה לאמר נכנעו לא
 אשחיתם ונתתי להם כמעט לפליטה ולא
 תתך חמתי בירושלם ביד שישק⁸ כי יהיו
 לו לעבדים וידעו עבודתי ועבודת
 ממלכות הארצות⁹ ויעל שישק
 מלך מצרים על ירושלם ויקח את אצרות
 בית יהוה ואת אצרות בית המלך את
 הכל לקח ויקח את מגני הזהב אשר
 עשה שלמה¹⁰ ויעש המלך רחבעם
 תחתיהם מגני נחשת והפקיד על יד שרי
 הרצים השמרים פתח בית המלך¹¹ והיה
 מדי בוא המלך בית יהוה באו הרצים
 ונשאום והשבום אל תא
 הרצים¹² ובהכנעו שב ממנו אף יהוה ולא
 להשחית לכלה וגם ביהודה היה דברים
 טובים¹³ ויתחזק המלך רחבעם
 בירושלם וימלך כי בן ארבעים ואחת
 שנה רחבעם במלכו ושבע עשרה שנה

מכהן ליהוה¹⁵ ויעמד לו כהנים לבמות
 ולשעירים ולעגלים אשר
 עשה¹⁶ ואחריהם מכל שבטי ישראל
 הנתנים את לבבם לבקש את יהוה אלהי
 ישראל באו ירושלם לזבוח ליהוה אלהי
 אבותיהם¹⁷ ויחזקו את מלכות יהודה
 ויאמצו את רחבעם בן שלמה לשנים
 שלוש כי הלכו בדרך דויד ושלמה לשנים
 שלוש¹⁸ ויקח לו רחבעם אשה את
 מחלת¹⁹ בת ירימות בן דויד אביהיל בת
 אליאב בן ישי¹⁹ ותלד לו בנים את יעוש
 ואת שמריה ואת זהם²⁰ ואחריה לקח
 את מעכה בת אבשלום ותלד לו את
 אביה ואת עתי ואת זיזא ואת
 שלמית²¹ ויאהב רחבעם את מעכה בת
 אבשלום מכל נשיו ופילגשיו כי נשים
 שמונה עשרה נשא ופילגשים ששים
 ויולד עשרים ושמונה בנים וששים
 בנות²² ויעמד לראש רחבעם את אביה
 בן מעכה לנגיד באחיו כי להמליכו²³ ויבן
 ויפרץ מכל בניו לכל ארצות יהודה ובנימן
 לכל ערי המצרות ויתן להם המזון לרב
 וישאל המון נשים

12 ויהי כהכין מלכות רחבעם וכחזקתו
 עזב את תורת יהוה וכל ישראל עמו^פ
² ויהי בשנה החמישית למלך רחבעם
 עלה שישק מלך מצרים על ירושלם כי
 מעלו ביהוה³ באלף ומאתים רכב

c We read one or more accents in L differently than BHS. Often this notation indicates a typographical error in BHS.

אמרים להתחזק לפני ממלכת יהוה ביד בני דויד ואתם המון רב ועמכם עגלי זהב אשר עשה לכם ירבעם לאלהים⁹ הלא הדחתם את כהני יהוה את בני אהרן והלויים ותעשו לכם כהנים כעמי הארצות כל הבא למלא ידו בפר בן בקר ואילם שבעה והיה כהן ללא אלהים¹⁰ ונחננו יהוה אלהינו ולא עזבנהו וכהנים משרתים ליהוה בני אהרן והלויים במלאכת¹¹ ומקטרים ליהוה עלות בבקר בבקר ובערב בערב וקטרת סמים ומערכת לחם על השלחן הטהור ומנורת הזהב ונרתיה לבער בערב בערב כי שמרים אנחנו את משמרת יהוה אלהינו ואתם עזבתם אתו¹² והנה עמנו בראש האלהים וכהניו וחצצרות התרועה להריע עליכם בני ישראל אל תלחמו עם יהוה אלהי אבותיכם כי לא תצליחו¹³ וירבעם הסב את המארב לבוא מאחריהם ויהיו לפני יהודה והמארב מאחריהם¹⁴ ויפנו יהודה והנה להם המלחמה פנים ואחור ויצעקו ליהוה והכהנים **מחצצרים** מחצצרים בחצצרות¹⁵ ויריעו איש יהודה ויהי בהריע איש יהודה והאלהים נגף את ירבעם וכל ישראל לפני אביה ויהודה¹⁶ וינוסו בני ישראל מפני יהודה ויתנם אלהים בידם¹⁷ ויכו בהם אביה ועמו מכה רבה ויפלו חללים מישראל חמש מאות אלף איש בחור¹⁸ ויכנעו בני ישראל בעת ההיא ויאמזו בני יהודה כי

מלך בירושלם העיר אשר בחר יהוה לשום את שמו שם מכל שבטי ישראל ושם אמו נעמה העמנית¹⁴ ויעש הרע כי לא הכין לבו לדרוש את יהוה¹⁵ ודברי רחבעם הראשנים והאחרונים הלא הם כתובים בדברי שמעיה הנביא ועדו החזה להתיחש ומלחמות רחבעם וירבעם כל הימים¹⁶ וישכב רחבעם עם אבתיו ויקבר בעיר דויד וימלך אביה בנו תחתיו פ

13 בשנת שמונה עשרה למלך ירבעם וימלך אביה על יהודה² שלוש שנים מלך בירושלם ושם אמו מיכיהו בת אוריאל מן גבעה ומלחמה היתה בין אביה ובין ירבעם³ ויאסר אביה את המלחמה בחיל גבורי מלחמה ארבע מאות אלף איש בחור⁴ וירבעם ערך עמו מלחמה בשמונה מאות אלף איש בחור גבור חיל⁵ ויקם אביה מעל להר צמרים אשר בהר אפרים ויאמר שמעוני ירבעם וכל ישראל⁵ הלא לכם לדעת כי יהוה אלהי ישראל נתן ממלכה לדויד על ישראל לעולם לו ולבניו ברית מלח⁶ ויקם ירבעם בן נבט עבד שלמה בן דויד וימרד על אדניו⁷ ויקבצו עליו אנשים רקים בני בליעל ויתאמצו על רחבעם בן שלמה ורחבעם היה נער ורך לבב ולא התחזק לפניהם⁸ ועתה אתם

שלש מאות אלף ס ומבנימן נשאי מגן
 ודרכי קשת מאתים ושמונים אלף כל
 אלה גבורי חיל⁸ ויצא אליהם זרח הכושי
 בחיל אלף אלפים ומרכבות שלש מאות
 ויבא עד מרשה⁹ ויצא אסא לפניו ויערכו
 מלחמה בגיא צפתה למרשה¹⁰ ויקרא
 אסא אל יהוה אלהיו ויאמר יהוה אין
 עמך לעזור בין רב לאין כח עזרנו יהוה
 אלהינו כי עליך נשענו ובשמך באנו על
 ההמון הזה יהוה אלהינו אתה אל יעצר
 עמך אנוש ס ויגף יהוה את הכושים¹¹
 לפני אסא ולפני יהודה וינסו
 הכושים¹² וירדפם אסא והעם אשר עמו
 עד לגרר ויפל מכושים לאין להם מחיה
 כי נשברו לפני יהוה ולפני מחנהו וישאו
 שלל הרבה מאד¹³ ויכו את כל הערים
 סביבות גרר כי היה פחד יהוה עליהם
 ויבזו את כל הערים כי בזה רבה היתה
 בהם¹⁴ וגם אהלי מקנה הכו וישבו צאן
 לרב וגמלים וישבו ירושלם ס

15 ועזריהו בן עודד היתה עליו רוח
 אלהים² ויצא לפני אסא ויאמר לו
 שמעוני אסא וכל יהודה ובנימן יהוה
 עמכם בהיותכם עמו ואם תדרשהו ימצא
 לכם ואם תעזבהו יעזב
 אתכם ס וימים רבים לישראל ללא
 אלהי אמת וללא כהן מורה וללא
 תורה⁴ וישב בצר לו על יהוה אלהי

נשענו על יהוה אלהי אבותיהם¹⁹ וירדף
 אביה אחרי ירבעם וילכד ממנו ערים את
 בית אל ואת בנותיה ואת ישנה ואת
 בנותיה ואת עפרון עפרין ובנתיה²⁰ ולא
 עצר כח ירבעם עוד בימי אביהו ויגפהו
 יהוה וימת פ
²¹ ויתחזק אביהו וישא לו נשים ארבע
 עשרה ויולד עשרים ושנים בנים ושש
 עשרה בנות ס ויתר דברי אביה
 ודרכיו ודבריו כתובים במדרש הנביא
 עדו²³ וישכב אביה עם אבתיו ויקברו
 אתו בעיר דויד וימלך אסא בנו תחתיו
 בימיו שקטה הארץ עשר שנים פ

14 ויעש אסא הטוב והישר בעיני יהוה
 אלהיו² ויסר את מזבחות הנכר והבמות
 וישבר את המצבות ויגדע את
 האשרים³ ויאמר ליהודה לדרוש את
 יהוה אלהי אבותיהם ולעשות התורה
 והמצוה⁴ ויסר מכל ערי יהודה את
 הבמות ואת החמנים ותשקט הממלכה
 לפניו⁵ ויבן ערי מצורה ביהודה כי שקטה
 הארץ ואין עמו מלחמה בשנים האלה כי
 הניח יהוה לו⁶ ויאמר ליהודה נבנה את
 הערים האלה ונסב חומה ומגדלים דלתים
 ובריחים עודנו הארץ לפנינו כי דרשנו
 את יהוה אלהינו דרשנו וינח לנו מסביב
 ויבנו ויצליחו פ
⁷ ויהי לאסא חיל נשא צנה ורמח מיהודה

וישרף בנחל קדרון¹⁷ והבמות לא סרו
מישראל רק לבב אסא היה שלם כל
ימיו¹⁸ ויבא את קדשי אביו וקדשיו בית
האלהים כסף וזהב וכלים¹⁹ ומלחמה לא
היתה עד שנת שלשים וחמש למלכות
אסא ◦

16 בשנת שלשים ויש למלכות אסא
עלה בעשא מלך ישראל על יהודה ויבן
את הרמה לבלתי תת יוצא ובא לאסא
מלך יהודה² ויצא אסא כסף וזהב
מאצרות בית יהוה ובית המלך וישלח אל
בן הדד מלך ארם היושב בדרמשק
לאמר³ ברית ביני ובינך ובין אבי ובין
אביך הנה שלחתי לך כסף וזהב לך הפר
בריתך את בעשא מלך ישראל ויעלה
מעלי⁴ וישמע בן¹ הדד אל המלך אסא
וישלח את שרי החילים אשר לו אל ערי
ישראל ויכו את עיון ואת דן ואת אבל
מים ואת כל מסכנות ערי נפתלי⁵ ויהי
כשמע בעשא ויחדל מבנות את הרמה
וישבת את מלאכתו ◦⁶ ואסא המלך
לקח את כל יהודה וישאו את אבני
הרמה ואת עציה אשר בנה בעשא ויבן
בהם את גבע ואת המצפה ◦⁷ ובעת
ההיא בא חנני הראה אל אסא מלך
יהודה ויאמר אליו בהשענך על מלך ארם
ולא נשענת על יהוה אלהיך על כן נמלט

ישראל ויבקשהו וימצא להם⁵ ובעתים
ההם אין שלום ליוצא ולבא כי מהומת
רבות על כל יושבי הארצות⁶ וכתתו גוי
בגוי ועיר בעיר כי אלהים הממם בכל
צרה⁷ ואתם חזקו ואל ירפו ידיכם כי יש
שכר לפעלתכם ◦⁸ וכשמע אסא
הדברים האלה והנבואה עדה הנביא
התחזק ויעבר השקוצים מכל ארץ יהודה
ובנימן ומן הערים אשר לכד מהר אפרים
ויחדש את מזבח יהוה אשר לפני אולם
יהוה⁹ ויקבץ את כל יהודה ובנימן והגרים
עמהם מאפרים ומנשה ומשמעון כי נפלו
עליו מישראל לרב בראתם כי יהוה
אלהיו עמו פ

¹⁰ ויקבצו ירושלם בחדש השלישי לשנת
חמש עשרה למלכות אסא¹¹ ויזבחו
ליהוה ביום ההוא מן השלל הביאו בקר
שבע מאות וצאן שבעת אלפים¹² ויבאו
בברית לדרוש את יהוה אלהי אבותיהם
בכל לבבם ובכל נפשם¹³ וכל אשר לא
ידרש ליהוה אלהי ישראל יזמת למן קטן
ועד גדול למאיש ועד אשה¹⁴ וישבעו
ליהוה בקול גדול ובתרועה ובחצצרות
ובשופרות¹⁵ וישמחו כל יהודה על
השבועה כי בכל לבבם נשבעו ובכל
רצונם בקשהו וימצא להם וינח יהוה להם
מסביב¹⁶ וגם מעכה אם אסא המלך
הסירה מגבירה אשר עשתה לאשרה
מפלצת ויכרת אסא את מפלצתה וידק

1 BHS has been faithful to the Leningrad Codex where there might be a question of the validity of the form and we keep the same form as BHS.

עשר וכבוד לרב⁶ ויגבה לבו בדרכי יהוה ועוד הסיר את הבמות ואת האשרים מיהודה פ

⁷ ובשנת שלוש למלכו שלח לשריו לבן חיל ולעבדיה ולזכריה ולנתנאל ולמיכיהו ללמד בערי יהודה⁸ ועמהם הלויים שמעיהו ונתניהו וזבדיהו ועשהאל ושמרימות ושמירמות ויהונתן ואדניהו וטוביהו וטוב אדוניה הלויים ועמהם אלישמע ויהורם הכהנים⁹ וילמדו ביהודה ועמהם ספר תורת יהוה ויסבו בכל ערי יהודה וילמדו בעם¹⁰ ויהי פחד יהוה על כל ממלכות הארצות אשר סביבות יהודה ולא נלחמו עם יהושפט¹¹ ומן פלשתים מביאים ליהושפט מנחה וכסף משא גם הערביאים מביאים לו צאן אילים שבעת אלפים ושבע מאות ותישים שבעת אלפים ושבע מאות פ¹² ויהי יהושפט הלך וגדל עד למעלה ויבן ביהודה בירניות וערי מסכנות¹³ ומלאכה רבה היה לו בערי יהודה ואנשי מלחמה גבורי חיל בירושלם¹⁴ ואלה פקדתם לבית אבותיהם ליהודה שרי אלפים עדנה השר ועמו גבורי חיל שלש מאות אלף ס¹⁵ ועל ידו יהוחנן השר ועמו מאתים ושמונים אלף ס¹⁶ ועל ידו עמסיה בן זכרי המתנדב ליהוה ועמו מאתים אלף גבור חיל ס¹⁷ ומן בנימן גבור חיל אלידע ועמו נשקי קשת ומגן

חיל מלך ארם מידך⁸ הלא הכושים והלובים היו לחיל לרב לרכב ולפרשים להרבה מאד ובהשענך על יהוה נתנם בידך⁹ כי יהוה עיניו משטטות בכל הארץ להתחזק עם לבבם שלם אליו נסכלת על זאת כי מעתה יש עמך מלחמות¹⁰ ויכעס אסא אל הראה ויתנהו בית המהפכת כי בזעף עמו על זאת וירצץ אסא מן העם בעת ההיא¹¹ והנה דברי אסא הראשונים והאחרונים הנם כתובים על ספר המלכים ליהודה וישראל¹² ויחלא אסא בשנת שלושים ותשע למלכותו ברגליו עד למעלה חליו וגם בחליו לא דרש את יהוה כי ברפאים¹³ וישכב אסא עם אבתיו וימת בשנת ארבעים ואחת למלכו¹⁴ ויקברהו בקברתיו אשר כרה לו בעיר דויד וישכיבהו במשכב אשר מלא בשמים וזנים מרקחים במרקחת מעשה וישרפו לו שרפה גדולה עד למאד פ

17 וימלך יהושפט בנו תחתיו ויתחזק על ישראל² ויתן חיל בכל ערי יהודה הבצרות ויתן נציבים בארץ יהודה ובערי אפרים אשר לכד אסא אביו³ ויהי יהוה עם יהושפט כי הלך בדרכי דויד אביו הראשנים ולא דרש לבעלים⁴ כי לאלהי אביו דרש ובמצותיו הלך ולא כמעשה ישראל⁵ ויכן יהוה את הממלכה בידו ויתנו כל יהודה מנחה ליהושפט ויהי לו

פתח שער שמרון וכל הנביאים מתנבאים
 לפניהם¹⁰ ויעש לו צדקיהו בן כנענה קרני
 ברזל^c ויאמר כה אמר יהוה באלה תנגח
 את ארם עד כלותם¹¹ וכל הנבאים
 נבאים כן לאמר עלה רמת גלעד והצלח
 ונתן יהוה ביד המלך¹² והמלאך אשר
 הלך לקרא למיכיהו דבר אליו לאמר הנה
 דברי הנבאים פה אחד טוב אל המלך
 ויהי נא דברך כאחד מהם ודברת
 טוב¹³ ויאמר מיכיהו חי יהוה כי את
 אשר יאמר אלהי אתו אדבר¹⁴ ויבא אל
 המלך ויאמר המלך אליו מיכה הנלך אל
 רמת גלעד למלחמה אם אחדל ויאמר
 עלו והצליחו וינתנו בידכם¹⁵ ויאמר אליו
 המלך עד כמה פעמים אני משיעך אשר
 לא תדבר אלי רק אמת בשם
 יהוה¹⁶ ויאמר ראיתי את כל ישראל
 נפוצים על ההרים כצאן אשר אין להן
 רעה ויאמר יהוה לא אדנים לאלה ישובו
 איש לביתו בשלום¹⁷ ויאמר מלך ישראל
 אל יהושפט הלא אמרתי אליך לא יתנבא
 עלי טוב כי אם לרע¹⁸ ויאמר לכן
 שמעו דבר יהוה ראיתי את יהוה יושב
 על כסאו וכל צבא השמים עמדים על
 ימינו ושמאלו¹⁹ ויאמר יהוה מי יפתה את
 אחאב מלך ישראל ויעל ויפל ברמות
 גלעד ויאמר זה אמר ככה וזה אמר
 ככה²⁰ ויצא הרוח ויעמד לפני יהוה

^c We read one or more accents in L differently than BHS. Often this notation indicates a typographical error in BHS.

מאתים אלף¹⁸ ועל ידו יהוזבד ועמו
 מאה ושמונים אלף חלוצי
 צבא¹⁹ אלה המשרתים את המלך
 מלבד אשר נתן המלך בערי המבצר בכל
 יהודה פ

18 ויהי ליהושפט עשר וכבוד לרב
 ויתחתן לאחאב² וירד לקץ שנים אל
 אחאב לשמרון ויזבח לו אחאב צאן ובקר
 לרב ולעם אשר עמו ויסיתהו לעלות אל
 רמות גלעד³ ויאמר אחאב מלך ישראל
 אל יהושפט מלך יהודה התלך עמי רמת
 גלעד ויאמר לו כמוני כמוך וכעמד עמי
 ועמד במלחמה⁴ ויאמר יהושפט אל מלך
 ישראל דרש נא כיום את דבר
 יהוה⁵ ויקבץ מלך ישראל את הנבאים
 ארבע מאות איש ויאמר אלהם הנלך אל
 רמת גלעד למלחמה אם אחדל ויאמרו
 עלה ויתן האלהים ביד המלך⁶ ויאמר
 יהושפט האין פה נביא ליהוה עוד
 ונדרשה מאתו⁷ ויאמר מלך ישראל אל
 יהושפט עוד איש אחד לדרוש את יהוה
 מאתו ואני שנאתיהו כי איננו מתנבא עלי
 לטובה כי כל ימיו לרעה הוא מיכיהו בן
 ימלא ויאמר יהושפט אל יאמר המלך
 כן⁸ ויקרא מלך ישראל אל סריס אחד
 ויאמר מהר **מיכיהו** מיכיהו בן ימלא⁹ ומלך
 ישראל ויהושפט מלך יהודה יושבים איש
 על כסאו מלבשים בגדים וישיבים בגרן

מאחריו³³ ואיש משך בקשת לתמו ויך את מלך ישראל בין הדבקים ובין השרין ויאמר לרכב הפך יד^{יד} ויהוצאתני מן המחנה כי החליתי³⁴ ותעל המלחמה ביום ההוא ומלך ישראל היה מעמיד במרכבה נכח ארם עד הערב וימת לעת בוא השמש

19 וישב יהושפט מלך יהודה אל ביתו בשלום לירושלם² ויצא אל פניו יהוא בן חנני החזה ויאמר אל המלך יהושפט הלרשע לעזר ולשנאי יהוה תאהב ובזאת עליך קצף מלפני יהוה³ אבל דברים טובים נמצאו עמך כי בערת האשרות מן הארץ והכינות לבבך לדרש האלהים⁴ וישב יהושפט בירושלם וישב ויצא בעם מבאר שבע עד הר אפרים וישיבם אל יהוה אלהי אבותיהם⁵ ויעמד שפטים בארץ בכל ערי יהודה הבצרות לעיר ועיר⁶ ויאמר אל השפטים ראו מה אתם עשים כי לא לאדם תשפטו כי ליהוה ועמכם בדבר משפט⁷ ועתה יהי פחד יהוה עליכם שמרו ועשו כי אין עם יהוה אלהינו עולה ומשא פנים ומקח שחד⁸ וגם בירושלם העמיד יהושפט מן הלויים והכהנים ומראשי האבות לישראל למשפט יהוה ולריב וישבו ירושלם⁹ ויצו עליהם לאמר כה תעשון ביראת יהוה באמונה ובלבב

ויאמר אני אפתנו ויאמר יהוה אליו במה²¹ ויאמר אצא והייתי לרוח שקר בפי כל נביאיו ויאמר תפתה וגם תוכל צא ועשה כן²² ועתה הנה נתן יהוה רוח שקר בפי נביאיך אלה ויהוה דבר עליך רעה ׀²³ ויגש צדקיהו בן כנענה ויך את מיכיהו על הלחי ויאמר אי זה הדרך עבר רוח יהוה מאתי לדבר אתך²⁴ ויאמר מיכיהו הנך ראה ביום ההוא אשר תבוא חדר בחדר להתבא²⁵ ויאמר מלך ישראל קחו את מיכיהו והשיבהו אל אמון שר העיר ואל יואש בן המלך²⁶ ואמרתם כה אמר המלך שימו זה בית הכלא והאכלהו לחם לחץ ומים לחץ עד שובי בשלום²⁷ ויאמר מיכיהו אם שוב תשוב בשלום לא דבר יהוה בי ויאמר שמעו עמים כלם ׀²⁸ ויעל מלך ישראל ויהושפט מלך יהודה אל רמת גלעד²⁹ ויאמר מלך ישראל אל יהושפט התחפש ובוא במלחמה ואתה לבש בגדיך ויתחפש מלך ישראל ויבאו במלחמה³⁰ ומלך ארם צוה את שרי הרכב אשר לו לאמר לא תלחמו את הקטן את הגדול כי אם את מלך ישראל לבדו³¹ ויהי כראות שרי הרכב את יהושפט והמה אמרו מלך ישראל הוא ויסבו עליו להלחם ויזעק יהושפט ויהוה עזרו ויסיתם אלהים ממנו³² ויהי כראות שרי הרכב כי לא היה מלך ישראל וישבו

שפוט ודבר ורעב נעמדה לפני^c הבית
 הזה ולפניך כי שמך בבית הזה ונזעק
 אליך מצרתנו ותשמע ותושיע¹⁰ ועתה
 הנה בני עמון ומואב והר שעיר אשר לא
 נתתה לישראל לבוא בהם בבאם מארץ
 מצרים כי סרו מעליהם ולא
 השמידום¹¹ והנה הם גמלים עלינו לבוא
 לגרשנו מירשתך אשר
 הורשתנו¹² אלהינו הלא תשפט בם כי
 אין בנו כח לפני ההמון הרב הזה הבא
 עלינו ואנחנו לא נדע מה נעשה כי עליך
 עינינו¹³ וכל יהודה עמדים לפני יהוה גם
 טפס נשיהם ובניהם פ
¹⁴ ויחזיאל בן זכריהו בן בניה בן יעזאל בן
 מתניה הלוי מן בני אסף היתה עליו רוח
 יהוה בתוך הקהל¹⁵ ויאמר הקשיבו כל
 יהודה וישבי ירושלם והמלך יהושפט כה
 אמר יהוה לכם אתם אל תיראו ואל
 תחתו מפני ההמון הרב הזה כי לא לכם
 המלחמה כי לאלהים¹⁶ מחר רדו עליהם
 הנם עלים במעלה הציץ ומצאתם אתם
 בסוף הנחל פני מדבר ירואל¹⁷ לא לכם
 להלחם בזאת התיצבו עמדו וראו את
 ישועת יהוה עמכם יהודה וירושלם אל
 תיראו ואל תחתו מחר צאו לפניהם ויהוה
 עמכם¹⁸ ויקד יהושפט אפים ארצה וכל
 יהודה וישבי ירושלם נפלו לפני יהוה
 להשתחות ליהוה¹⁹ ויקמו הלויים מן בני

שלם¹⁰ וכל ריב אשר יבוא עליכם
 מאחיכם הישבים בעריהם בין דם לדם
 בין תורה למצוה לחקים ולמשפטים
 והזהרתם אתם ולא יאשמו ליהוה והיה
 קצף עליכם ועל אחיכם כה תעשון ולא
 תאשמו¹¹ והנה אמריהו כהן הראש
 עליכם לכל דבר יהוה וזבדיהו בן
 ישמעאל הנגיד לבית יהודה לכל דבר
 המלך ושטרים הלויים לפניכם חזקו ועשו
 ויהי יהוה עם הטוב פ

20 ויהי אחריכן באו בני מואב ובני
 עמון ועמהם מהעמונים על יהושפט
 למלחמה² ויבאו ויגידו ליהושפט לאמר
 בא עליך המון רב מעבר לים מארם והנם
 בחצצון תמר היא עין גדי³ וירא ויתן
 יהושפט את פניו לדרוש ליהוה ויקרא
 צום על כל יהודה⁴ ויקבצו יהודה לבקש
 מיהוה גם מכל ערי יהודה באו לבקש את
 יהוה⁵ ויעמד יהושפט בקהל יהודה
 וירושלם בבית יהוה לפני החצר
 החדשה⁶ ויאמר יהוה אלהי אבותינו הלא
 אתה הוא אלהים בשמים ואתה מושל
 בכל ממלכות הגוים ובידך כח וגבורה
 ואין עמך להתיצב⁷ הלא אתה אלהינו
 הורשת את ישבי הארץ הזאת מלפני
 עמך ישראל ותתנה לזרע אברהם אהבך
 לעולם⁸ וישבו בה ויבנו לך בה מקדש
 לשמך לאמר⁹ אם תבוא עלינו רעה חרב

c We read one or more accents in L differently than BHS. Often this notation indicates a typographical error in BHS.

ישראל³⁰ ותשקט מלכות יהושפט וינח לו
אלהיו מסביב פ
³¹ וימלך יהושפט על יהודה בן שלשים
וחמש שנה במלכו ועשרים וחמש שנה
מלך בירושלם ושם אמו עזובה בת
שלחי³² וילך בדרך אביו אסא ולא סר
ממנה לעשות הישר בעיני יהוה³³ אך
הבמות לא סרו ועוד העם לא הכינו
לבבם לאלהי אבתיהם³⁴ ויתר דברי
יהושפט הראשנים והאחרנים הנם
כתובים בדברי יהוא בן חנני אשר העלה
על ספר מלכי ישראל³⁵ ואחריכך אתחבר
יהושפט מלך יהודה עם אחזיה מלך
ישראל הוא הרשיע לעשות³⁶ ויחברו
עמו לעשות אניות ללכת תרשיש ויעשו
אניות בעציון גבר³⁷ ויתנבא אליעזר בן
דדוהו ממרשה על יהושפט לאמר
כהתחברך עם אחזיהו פרץ יהוה את
מעשיך וישברו אניות ולא עצרו ללכת
אל תרשיש

21 וישכב יהושפט עם אבתיו ויקבר
עם אבתיו בעיר דויד וימלך יהורם בנו
תחתיו² ולו אחים בני יהושפט עזריה
ויחיאל וזכריהו ועזריהו ומיכאל ושפטיהו
כל אלה בני יהושפט מלך ישראל³ ויתן
להם אביהם מתנות רבות לכסף ולזהב
ולמגדנות עם ערי מצרות ביהודה ואת
הממלכה נתן ליהורם כי הוא הבכור פ

הקהתים ומן בני הקרחים להלל ליהוה
אלהי ישראל בקול גדול
למעלה²⁰ וישכימו בבקר ויצאו למדבר
תקוע ובצאתם עמד יהושפט ויאמר
שמעוני יהודה וישבי ירושלם האמינו
ביהוה אלהיכם ותאמנו האמינו בנביאינו
והצליחו²¹ ויועץ אל העם ויעמד משררים
ליהוה ומהללים להדרת קדש בצאת לפני
החלוץ ואמרים הודו ליהוה כי לעולם
חסדו²² ובעת החלו ברנה ותהלה נתן
יהוה מארבים על בני עמון מואב והר
שעיר הבאים ליהודה וינגפו²³ ויעמדו בני
עמון ומואב על ישבי הר שעיר להחרים
ולהשמיד וככלותם ביושבי שעיר עזרו
איש ברעהו למשחית²⁴ ויהודה בא על
המצפה למדבר ויפנו אל ההמון והנם
פגרים נפלים ארצה ואין פליטה²⁵ ויבא
יהושפט ועמו לבז את שללם וימצאו
בהם לרב ורכוש ופגרים וכלי חמדות
וינצלו להם לאין משא ויהיו ימים שלושה
בזוים את השלל כי רב הוא²⁶ וביום
הרבעי נקהלו לעמק ברכה כי שם ברכו
את יהוה על כן קראו את שם המקום
ההוא עמק ברכה עד היום²⁷ וישבו כל
איש יהודה וירושלם ויהושפט בראשם
לשוב אל ירושלם בשמחה כי שמחם
יהוה מאויביהם²⁸ ויבאו ירושלם בנבלים
ובכנרות ובחצצרות אל בית יהוה²⁹ ויהי
פחד אלהים על כל ממלכות הארצות
בשמעם כי נלחם יהוה עם אויבי

מעיד עד יצאו מעיד מן החלי ימים על ימים¹⁶ ויער יהוה על יהורם את רוח הפלשתים והערבים אשר על יד כושים¹⁷ ויעלו ביהודה ויבקעוה וישבו את כל הרכוש הנמצא לבית המלך וגם בניו ונשיו ולא נשאר לו בן כי אם יהואחז קטן בניו¹⁸ ואחרי כל זאת נגפו יהוה במעיו לחלי לאין מרפא¹⁹ ויהי לימים מימים וכעת צאת הקץ לימים שנים יצאו מעיו עם חליו וימת בתחלאים רעים ולא עשו לו עמו שרפה כשרפת אבתיו²⁰ בן שלשים ושתים היה במלכו ושמונה שנים מלך בירושלם וילך בלא חמדה ויקברהו בעיר דויד ולא בקברות המלכים

22 וימליכו יושבי ירושלם את אחזיהו בנו הקטן תחתיו כי כל הראשנים הרג הגדוד הבא בערבים למחנה וימלך אחזיהו בן יהורם מלך יהודה פ² בן ארבעים ושתים שנה אחזיהו במלכו ושנה אחת מלך בירושלם ושם אמו עתליהו בת עמרי³ גם הוא הלך בדרכי בית אחאב כי אמו היתה יועצתו להרשיע⁴ ויעש הרע בעיני יהוה כבית אחאב כי המה היו לו יועצים אחרי מות אביו למשחית לו⁵ גם בעצתם הלך וילך את יהורם בן אחאב מלך ישראל למלחמה על חזאל מלך ארם ברמות גלעד ויכו הרמים את יורם⁶ וישב

⁴ ויקם יהורם על ממלכת אביו ויתחזק ויהרג את כל אחיו בחרב וגם משרי ישראל⁵ בן שלשים ושתים שנה יהורם במלכו ושמונה שנים מלך בירושלם⁶ וילך בדרך מלכי ישראל כאשר עשו בית אחאב כי בת אחאב היתה לו אשה ויעש הרע בעיני יהוה⁷ ולא אבה יהוה להשחית את בית דויד למען הברית אשר כרת לדויד וכאשר אמר לתת לו ניר ולבניו כל הימים⁸ בימיו פשע אדום מתחת יד יהודה וימליכו עליהם מלך⁹ ויעבר יהורם עם שריו וכל הרכב עמו ויהי קם לילה ויך את אדום הסובב אליו ואת שרי הרכב¹⁰ ויפשע אדום מתחת יד יהודה עד היום הזה אז תפשע לבנה בעת ההיא מתחת ידו כי עזב את יהוה אלהי אבתיו¹¹ גם הוא עשה במות בהרי יהודה ויזן את יושבי ירושלם וידח את יהודה פ¹² ויבא אליו מכתב מאליהו הנביא לאמר כה אמר יהוה אלהי דויד אביך תחת אשר לא הלכת בדרכי יהושפט אביך ובדרכי אסא מלך יהודה¹³ ותלך בדרך מלכי ישראל ותזנה את יהודה ואת יושבי ירושלם כהזנות בית אחאב וגם את אחיך בית אביך הטובים ממך הרגת¹⁴ הנה יהוה נגף מגפה גדולה בעמך ובבניך ובנשיך ובכל רכושך¹⁵ ואתה בחליים רבים במחלה

ולישמעאל בן יהוחנן ולעזריהו בן עובד
 ואת מעשיהו בן עדיהו ואת אלישפט בן
 זכרי עמו בברית² ויסבו ביהודה ויקבצו
 את הלויים מכל ערי יהודה וראשי האבות
 לישראל ויבאו אל ירושלם³ ויכרת כל
 הקהל ברית בבית האלהים עם המלך
 ויאמר להם הנה בן המלך ימלך כאשר
 דבר יהוה על בני דויד⁴ זה הדבר אשר
 תעשו השלשית מכס באי השבת לכהנים
 וללויים לשערי הספים⁵ והשלשית בבית
 המלך והשלשית בשער היסוד וכל העם
 בחצרות בית יהוה⁶ ואל יבוא בית יהוה
 כי אם הכהנים והמשרתים ללויים המה
 יבאו כי קדש המה וכל העם ישמרו
 משמרת יהוה⁷ והקיפו הלויים את המלך
 סביב איש וכליו בידו והבא אל הבית
 יומת והיו את המלך בבאו
 ובצאתו⁸ ויעשו הלויים וכל יהודה ככל
 אשר צוה יהוידע הכהן ויקחו איש את
 אנשיו באי השבת עם יוצאי השבת כי
 לא פטר יהוידע הכהן את
 המחלקות⁹ ויתן יהוידע הכהן לשרי
 המאות את החניתים ואת המגנות ואת
 השלטים אשר למלך דויד אשר בית
 האלהים¹⁰ ויעמד את כל העם ואיש
 שלחו בידו מכתף הבית הימנית עד כתף
 הבית השמאלית למזבח ולבית על המלך
 סביב¹¹ ויוציאו את בן המלך ויתנו עליו
 את הנזר ואת העדות וימליכו אתו
 וימשחו יהוידע ובניו ויאמרו יחי

להתרפא ביזרעאל כי המכים אשר הכהו
 ברמה בהלחמו את חזהאל מלך ארם
 ועזריהו בן יהורם מלך יהודה ירד לראות
 את יהורם בן אחאב ביזרעאל כי חלה
 הוא⁷ ומאלהים היתה תבוסת אחזיהו
 לבוא אל יזרם ובבאו יצא עם יהורם אל
 יהוא בן נמשי אשר משחו יהוה להכרית
 את בית אחאב⁸ ויהי כהשפט יהוא עם
 בית אחאב וימצא את שרי יהודה ובני
 אחי אחזיהו משרתים לאחזיהו
 ויהרגם⁹ ויבקש את אחזיהו וילכדהו והוא
 מתחבא בשמרון ויבאהו אל יהוא וימתהו
 ויקברוהו כי אמרו בן יהושפט הוא אשר
 דרש את יהוה בכל לבבו ואין לבית
 אחזיהו לעצר כח לממלכה¹⁰ ועתליהו
 אם אחזיהו ראתה כי מת בנה ותקם
 ותדבר את כל זרע הממלכה לבית
 יהודה¹¹ ותקח יהושבעת בת המלך את
 יואש בן אחזיהו ותגנב אתו מתוך בני
 המלך המומתים ותתן אתו ואת מינקתו
 בחדר המטות ותסתירהו יהושבעת בת
 המלך יהורם אשת יהוידע הכהן כי היא
 היתה אחות אחזיהו מפני עתליהו ולא
 המיתתהו¹² ויהי אתם בבית האלהים
 מתחבא שש שנים ועתליה מלכת על
 הארץ פ

23 ובשנה השבעית התחזק יהוידע
 ויקח את שרי המאות לעזריהו בן ירחם

המיתו בחרב ם

24 בן שבע שנים יאש במלכו וארבעים שנה מלך בירושלם ושם אמו צביה מבאר שבע² ויעש יואש הישר בעיני יהוה כל ימי יהוידע הכהן³ וישא לו יהוידע נשים שתים ויולד בנים ובנות⁴ ויהי אחריכך היה עם לב יואש לחדש את בית יהוה⁵ ויקבץ את הכהנים והלויים ויאמר להם צאו לערי יהודה וקבצו מכל ישראל כסף לחזק את בית אלהיכם מדי שנה בשנה ואתם תמהרו לדבר ולא מהרו הלויים⁶ ויקרא המלך ליהוידע הראש ויאמר לו מדוע לא דרשת על הלויים להביא מיהודה ומירושלם את משאת משה עבד יהוה והקהל לישראל לאהל העדות⁷ כי עתליהו המרשעת בניה פרצו את בית האלהים וגם כל קדשי בית יהוה עשו לבעלים⁸ ויאמר המלך ויעשו ארון אחד ויתנהו בשער בית יהוה חוצה⁹ ויתנו קול ביהודה ובירושלם להביא ליהוה משאת משה עבד האלהים על ישראל במדבר¹⁰ וישמחו כל השרים וכל העם ויביאו וישליכו לארון עד לכלה¹¹ ויהי בעת יביא את הארון אל פקדת המלך ביד הלויים וכראותם כי רב הכסף ובא סופר המלך ופקיד כהן הראש ויערו את הארון וישארו ושיבהו אל מקמו כה

המלך ם¹² ותשמע עתליהו את קול העם הרצים והמהללים את המלך ותבוא אל העם בית יהוה¹³ ותרא והנה המלך עומד על עמודו במבוא והשרים והחצצרות על המלך וכל עם הארץ שמח ותוקע בחצצרות והמשוררים בכלי השיר ומודיעים להלל ותקרע עתליהו את בגדיה ותאמר קשר קשר ם¹⁴ ויוצא יהוידע הכהן את שרי המאות פקודי החיל ויאמר אלהם הוציאוה אל מבית השדרות והבא אחריה יומת בחרב כי אמר הכהן לא תמיתוה בית יהוה¹⁵ וישימו לה ידים ותבוא אל מבוא שער הסוסים בית המלך ומיתוה שם ף¹⁶ ויכרת יהוידע ברית בינו ובין כל העם ובין המלך להיות לעם ליהוה¹⁷ ויבאו כל העם בית הבעל ויתצוהו ואת מזבחתיו ואת צלמיו שברו ואת מתן כהן הבעל הרגו לפני המזבחות¹⁸ וישם יהוידע פקדת בית יהוה ביד הכהנים הלויים אשר חלק דויד על בית יהוה להעלות עלות יהוה ככתוב בתורת משה בשמחה ובשיר על ידי דויד¹⁹ ויעמד השוערים על שערי בית יהוה ולא יבא טמא לכל דבר²⁰ ויקח את שרי המאות ואת האדירים ואת המושלים בעם ואת כל עם הארץ ויורד את המלך מבית יהוה ויבאו בתוך שער העליון בית המלך ויושיבו את המלך על כסא הממלכה²¹ וישמחו כל עם הארץ והעיר שקטה ואת עתליהו

אביו עמו ויהרג את בנו וכמותו אמר ירא
 יהוה וידרש פ
²³ ויהי לתקופת השנה עלה עליו חיל
 ארם ויבאו אל יהודה וירושלם וישחיתו
 את כל שרי העם מעם וכל שללם שלחו
 למלך דרמשק ²⁴ כי במצער אנשים באו
 חיל ארם ויהוה נתן בידם חיל לרב מאד
 כי עזבו את יהוה אלהי אבותיהם ואת
 יואש עשו שפטים ²⁵ ובלכתם ממנו כי
 עזבו אתו **במחליים** במחלויים רבים התקשרו
 עליו עבדיו בדמי בני יהוידע הכהן
 ויהרגו על מטתו וימת ויקברו בעיר
 דויד ולא קברהו בקברות
 המלכים ׀ ²⁶ ואלה המתקשרים עליו
 זבד בן שמעת העמונית ויהוזבד בן
 שמרית המואבית ²⁷ ובניו **ורב** ירב המשא
 עליו ויסוד בית האלהים הנם כתובים על
 מדרש ספר המלכים וימלך אמציהו בנו
 תחתיו פ

25 בן עשרים וחמש שנה מלך אמציהו
 ועשרים ותשע שנה מלך בירושלם ושם
 אמו יהועדן מירושלם ² ויעש הישר בעיני
 יהוה רק לא בלבב שלם ³ ויהי כאשר
 חזקה הממלכה עליו ויהרג את עבדיו
 המכים את המלך אביו ⁴ ואת בניהם לא
 המית כי ככתוב בתורה בספר משה
 אשר צוה יהוה לאמר לא ימותו אבות על
 בנים ובנים לא ימותו על אבות כי איש

עשו ליום ביום ויאספו כסף לרב ¹² ויתנהו
 המלך ויהוידע אל עושה מלאכת עבודת
 בית יהוה ויהיו שכרים חצבים וחרשים
 לחדש בית יהוה וגם לחרשי ברזל
 ונחשת לחזק את בית יהוה ¹³ ויעשו עשי
 המלאכה ותעל ארוכה למלאכה בידם
 ויעמידו את בית האלהים על מתכנתו
 ויאמצוהו ¹⁴ וככלותם הביאו לפני המלך
 ויהוידע את שאר הכסף ויעשהו כלים
 לבית יהוה כלי שרת והעלות וכפות וכלי
 זהב וכסף ויהיו מעלים עלות בבית יהוה
 תמיד כל ימי יהוידע פ
¹⁵ ויזקן יהוידע וישבע ימים וימת בן מאה
 ושלשים שנה במותו ¹⁶ ויקברו בעיר
 דויד עם המלכים כי עשה טובה בישראל
 ועם האלהים וביתו ׀ ¹⁷ ואחרי מות
 יהוידע באו שרי יהודה וישתחו למלך אז
 שמע המלך אליהם ¹⁸ ויעזבו את בית
 יהוה אלהי אבותיהם ויעבדו את
 האשרים ואת העצבים ויהי קצף על
 יהודה וירושלם באשמתם זאת ¹⁹ וישלח
 בהם נבאים להשיבם אל יהוה ויעידו במ
 ולא האזינו ׀ ²⁰ ורוח אלהים לבשה
 את זכריה בן יהוידע הכהן ויעמד מעל
 לעם ויאמר להם כה אמר האלהים למה
 אתם עברים את מצות יהוה ולא תצליחו
 כי עזבתם את יהוה ויעזב
 אתכם ²¹ ויקשרו עליו וירגמהו אבן
 במצות המלך בחצר בית יהוה ²² ולא זכר
 יואש המלך החסד אשר עשה יהוידע

ולפניהם ישתחוה ולהם יקטר¹⁵ ויחר אף יהוה באמציהו וישלח אליו נביא ויאמר לו למה דרשת את אלהי העם אשר לא הצילו את עמם מידך¹⁶ ויהי בדברו אליו ויאמר לו הליועץ למלך נתנוך חדל לך למה יכוך ויחדל הנביא ויאמר ידעתי כי יעץ אלהים להשחיתך כי עשית זאת ולא שמעתי פ

¹⁷ ויועץ אמציהו מלך יהודה וישלח אל יואש בן יהואחז בן יהוא מלך ישראל לאמר **לֵד לכה** נתראה פנים¹⁸ וישלח יואש מלך ישראל אל אמציהו מלך יהודה לאמר החוח אשר בלבנון שלח אל הארז אשר בלבנון לאמר תנה את בתך לבני לאשה ותעבר חית השדה אשר בלבנון ותרמס את החוח¹⁹ אמרת הנה הכית את אדום ונשאך לבך להכביד עתה שבה בביתך למה תתגרה ברעה ונפלת אתה ויהודה עמך²⁰ ולא שמע אמציהו כי מהאלהים היא למען תתם ביד כי דרשו את אלהי אדום²¹ ויעל יואש מלך ישראל ויתראו פנים הוא ואמציהו מלך יהודה בבית שמש אשר ליהודה²² וינגף יהודה לפני ישראל וינסו איש לאהליו²³ ואת אמציהו מלך יהודה בן יואש בן יהואחז תפש יואש מלך ישראל בבית שמש ויביאהו ירושלם ויפרץ בחומת ירושלם משער אפרים עד שער הפונה ארבע מאות אמה²⁴ וכל הזהב והכסף ואת כל הכלים הנמצאים

בחטאו ימותו פ
⁵ ויקבץ אמציהו את יהודה ויעמידם לבית אבות לשרי האלפים ולשרי המאות לכל יהודה ובנימן ויפקדם למבן עשרים שנה ומעלה וימצאם שלש מאות אלף בחור יוצא צבא אחז רמח וצנה⁶ וישכר מישראל מאה אלף גבור חיל במאה ככר כסף⁷ ואיש האלהים בא אליו לאמר המלך אל יבא עמך צבא ישראל כי אין יהוה עם ישראל כל בני אפרים⁸ כי אם בא אתה עשה חזק למלחמה יכשילך האלהים לפני אויב כי יש כח באלהים לעזור ולהכשיל⁹ ויאמר אמציהו לאיש האלהים ומה לעשות למאת הככר אשר נתתי לגדוד ישראל ויאמר איש האלהים יש ליהוה לתת לך הרבה מזה¹⁰ ויבדילם אמציהו להגדוד אשר בא אליו מאפרים ללכת למקומם ויחר אפם מאד ביהודה וישבו למקומם בחרי אף פ
¹¹ ואמציהו התחזק וינהג את עמו וילך גיא המלח ויך את בני שער עשרת אלפים¹² ועשרת אלפים חיים שבו בני יהודה ויביאום לראש הסלע וישליכום מראש הסלע וכלם נבקעו ס¹³ ובני הגדוד אשר השיב אמציהו מלכת עמו למלחמה ויפשטו בערי יהודה משמרון ועד בית חורון ויכו מהם שלשת אלפים ויבזו בזה רבה ס¹⁴ ויהי אחרי בוא אמציהו מהכות את אדומים ויבא את אלהי בני שער ויעמידם לו לאלהים

האלהים על פלשתים ועל **הערביים** הערבים
 הישבים בגור בעל והמעונים⁸ ויתנו
 העמונים מנחה לעזיהו וילך שמו עד
 לבוא מצרים כי החזיק עד למעלה⁹ ויבן
 עזיהו מגדלים בירושלם על שער הפנה
 ועל שער הגיא ועל המקצוע
 ויחזקם¹⁰ ויבן מגדלים במדבר ויחצב
 ברות רבים כי מקנה רב היה לו ובשפלה
 ובמישור אכרים וכרמים בהרים ובכרמל
 כי אהב אדמה היה **ו**¹¹ ויהי לעזיהו
 חיל עשה מלחמה יוצאי צבא לגדוד
 במספר פקדתם ביד **יעואל** **יעיאל** הסופר
 ומעשיהו השוטר על יד חנניהו משרי
 המלך¹² כל מספר ראשי האבות לגבורי
 חיל אלפים ושש מאות¹³ ועל ידם חיל
 צבא שלש מאות אלף ושבעת אלפים
 וחמש מאות עושי מלחמה בכח חיל
 לעזר למלך על האויב¹⁴ ויכן להם עזיהו
 לכל הצבא מגנים ורמחים וכובעים
 ושרינות וקשתות ולאבני קלעים¹⁵ ויעש
 בירושלם חשבנות מחשבת חושב להיות
 על המגדלים ועל הפנות לירוא בחצים
 ובאבנים גדלות ויצא שמו עד למרחוק כי
 הפליא להעזר עד כי חזק¹⁶ וכחזקתו
 גבה לבו עד להשחית וימעל ביהוה אלהיו
 ויבא אל היכל יהוה להקטיר על מזבח
 הקטרת¹⁷ ויבא אחריו עזריהו הכהן ועמו
 כהנים ליהוה שמונים בני חיל¹⁸ ויעמדו
 על עזיהו המלך ויאמרו לו לא לך עזיהו

בבית האלהים עם עבד אדום ואת
 אצרות בית המלך ואת בני התערבות
 וישב **פ**
²⁵ ויחי אמציהו בן יואש מלך יהודה אחרי
 מות יואש בן יהואחז מלך ישראל חמש
 עשרה שנה²⁶ ויתר דברי אמציהו
 הראשנים והאחרונים הלא הנם כתובים
 על ספר מלכי יהודה וישראל²⁷ ומעת
 אשר סר אמציהו מאחרי יהוה ויקשרו
 עליו קשר בירושלם וינס לכישה וישלחו
 אחריו לכישה וימיתוהו שם²⁸ וישאהו על
 הסוסים ויקברו אתו עם אבתיו בעיר
 יהודה

26 ויקחו כל עם יהודה את עזיהו והוא
 בן שש עשרה שנה וימליכו אתו תחת
 אביו אמציהו² הוא בנה את אילות
 וישיבה ליהודה אחרי שכב המלך עם
 אבתיו **פ**
³ בן שש עשרה שנה עזיהו במלכו
 וחמשים ושתים שנה מלך בירושלם ושם
 אמו **יכיליה** **יכליה** מן ירושלם⁴ ויעש הישר
 בעיני יהוה ככל אשר עשה אמציהו
 אביו⁵ ויהי לדרש אלהים בימי זכריהו
 המבין בראת האלהים ובימי דרשו את
 יהוה הצליחו האלהים **ו**⁶ ויצא וילחם
 בפלשתים ויפרץ את חומת גת ואת
 חומת יבנה ואת חומת אשדוד ויבנה
 ערים באשדוד ובפלשתים⁷ ויעזרהו

בנה בהר יהודה ובחרשים בנה בירניות ומגדלים⁵ והוא נלחם עם מלך בני עמון ויחזק עליהם ויתנו לו בני עמון בשנה ההיא מאה ככר כסף ועשרת אלפים כרים חטים ושעורים עשרת אלפים זאת השיבו לו בני עמון ׀ ובשנה השנית והשלשית⁶ ויתחזק יותם כי הכין דרכיו לפני יהוה אלהיו⁷ ויתר דברי יותם וכל מלחמתיו ודרכיו הנם כתובים על ספר מלכי ישראל ויהודה⁸ בן עשרים וחמש שנה היה במלכו ושש עשרה שנה מלך בירושלם⁹ וישכב יותם עם אבתיו ויקברו אתו בעיר דויד וימלך אחז בנו תחתיו ׀

28 בן עשרים שנה אחז במלכו ושש עשרה שנה מלך בירושלם ולא עשה הישר בעיני יהוה כדויד אביו² וילך בדרכי מלכי ישראל וגם מסכות עשה לבעלים³ והוא הקטיר בגיא בן הנם ויבער את בניו באש כתעבות הגוים אשר הריש יהוה מפני בני ישראל⁴ ויזבח ויקטר בבמות ועל הגבעות ותחת כל עץ רענן⁵ ויתנהו יהוה אלהיו ביד מלך ארם ויכו בו וישבו ממנו שביה גדולה ויביאו דרמשק וגם ביד מלך ישראל נתן ויך בו מכה גדולה ׀⁶ ויהרג פקח בן רמליהו ביהודה מאה ועשרים אלף ביום אחד הכל בני חיל בעזבם את יהוה אלהי אבותם⁷ ויהרג זכרי גבור אפרים את

להקטיר ליהוה כי לכהנים בני אהרן המקדשים להקטיר צא מן המקדש כי מעלת ולא לך לכבוד מיהוה אלהים¹⁹ ויזעף עזיהו ובידו מקטרת להקטיר ובזעפו עם הכהנים והצרעת זרחה במצחו לפני הכהנים בבית יהוה מעל למזבח הקטרת²⁰ ויפן אליו עזריהו כהן הראש וכל הכהנים והנה הוא מצרע במצחו ויבהלוהו משם וגם הוא נדחף לצאת כי נגעו יהוה²¹ ויהי עזיהו המלך מצרע עד יום מותו וישב בית **החפשות** **החפשית** מצרע כי נגזר מבית יהוה ויותם בנו על בית המלך שופט את עם הארץ²² ויתר דברי עזיהו הראשנים והאחרנים¹ כתב ישעיהו בן אמוץ הנביא² וישכב עזיהו עם אבתיו ויקברו אתו עם אבתיו בשדה הקבורה אשר למלכים כי אמרו מצורע הוא וימלך יותם בנו תחתיו ׀

27 בן עשרים וחמש שנה יותם במלכו ושש עשרה שנה מלך בירושלם ושם אמו ירושה בת צדוק² ויעש הישר בעיני יהוה ככל אשר עשה עזיהו אביו רק לא בא אל היכל יהוה ועוד העם משחיתים³ הוא בנה את שער בית יהוה העליון ובחומת העפל בנה לרב⁴ וערים

1 BHS has been faithful to the Leningrad Codex where there might be a question of the validity of the form and we keep the same form as BHS.

¹⁶ בעת ההיא שלח המלך אחז על מלכי
 אשור לעזר לו ¹⁷ ועוד אדומים באו ויכו
 ביהודה וישבו שבי ¹⁸ ופלשתים פשטו
 בערי השפלה והנגב ליהודה וילכדו את
 בית שמש ואת אילון ואת הגדרות ואת
 שוכו ובנותיה ואת תמנה ובנותיה ואת
 גמזו ואת בנתיה וישבו שם ¹⁹ כי הכניע
 יהוה את יהודה בעבור אחז מלך ישראל
 כי הפריע ביהודה ומעול מעל
 ביהוה ²⁰ ויבא עליו תלגת פלנאסר מלך
 אשור ויצר לו ולא חזקו ²¹ כי חלק אחז
 את בית יהוה ואת בית המלך והשרים
 ויתן למלך אשור ולא לעזרה לו ²² ובעת
 הצר לו ויוסף למעול ביהוה הוא המלך
 אחז ²³ ויזבח לאלהי דרמשק המכים בו
 ויאמר כי אלהי מלכי ארם הם מעזרים
 אותם להם אזבח ויעזרוני והם היו לו
 להכשילו ולכל ישראל ²⁴ ויאסף אחז את
 כלי בית האלהים ויקצץ את כלי בית
 האלהים ויסגר את דלתות בית יהוה
 ויעש לו מזבחות בכל פנה
 בירושלם ²⁵ ובכל עיר ועיר ליהודה עשה
 במות לקטר לאלהים אחרים ויכעס את
 יהוה אלהי אבתיו ²⁶ ויתר דבריו וכל
 דרכיו הראשנים והאחרונים הנם כתובים
 על ספר מלכי יהודה וישראל ²⁷ וישכב
 אחז עם אבתיו ויקברוהו בעיר בירושלם
 כי לא הביאהו לקברי מלכי ישראל וימלך
 יחזקיהו בנו תחתיו פ

מעשיהו בן המלך ואת עזריקים נגיד
 הבית ואת אלקנה משנה
 המלך ׀ ⁸ וישבו בני ישראל מאחיהם
 מאתים אלף נשים בנים ובנות וגם שלל
 רב בזזו מהם ויביאו את השלל
 לשמרון ׀ ⁹ ושם היה נביא ליהוה
 עדד שמו ויצא לפני הצבא הבא לשמרון
 ויאמר להם הנה בחמת יהוה אלהי
 אבותיכם על יהודה נתנם בידכם ותהרגו
 במ בזעף עד לשמים הגיע ¹⁰ ועתה בני
 יהודה וירושלם אתם אמרים לכבש
 לעבדים ולשפחות לכם הלא רק אתם
 עמכם אשמות ליהוה אלהיכם ¹¹ ועתה
 שמעוני והשיבו השביה אשר שבייתם
 מאחיכם כי חרון אף יהוה
 עליכם ׀ ¹² ויקמו אנשים מראשי בני
 אפרים עזריהו בן יהוחנן ברכיהו בן
 משלמות ויחזקיהו בן שלם ועמשא בן
 חדלי על הבאים מן הצבא ¹³ ויאמרו להם
 לא תביאו את השביה הנה כי לאשמת
 יהוה עלינו אתם אמרים להסיף על
 חטאתינו ועל אשמתינו כי רבה אשמה
 לנו וחרון אף על ישראל ׀ ¹⁴ ויעזב
 החלוץ את השביה ואת הבזה לפני
 השרים וכל הקהל ¹⁵ ויקמו האנשים אשר
 נקבו בשמות ויחזיקו בשביה וכל
 מערמיהם הלבישו מן השלל וילבשו
 וינעלו ויאכלום וישקום ויסכום וינהלום
 בחמרים לכל כושל ויביאום ירחו עיר
 התמרים אצל אחיהם וישבו שמרון פ

ומן בני אסף זכריהו ומתניהו ¹⁴ ומן בני הימן ^{יחואל} יחיאל ושמעיה ¹⁵ ויאספו את ידותון שמעיה ועזיאל ¹⁶ ויאספו את אחיהם ויתקדשו ויבאו כמצות המלך בדברי יהוה לטהר בית יהוה ¹⁷ ויבאו הכהנים לפנימה בית יהוה לטהר ויוציאו את כל הטמאה אשר מצאו בהיכל יהוה לחצר בית יהוה ויקבלו הלויים להוציא לנחל קדרון חוצה ¹⁸ ויחלו באחד לחדש הראשון לקדש וביום שמונה לחדש באו לאולם יהוה ויקדשו את בית יהוה לימים שמונה וביום ששה עשר לחדש הראשון כלו ¹⁹ ויבואו פנימה אל חזקיהו המלך ויאמרו טהרנו את כל בית יהוה את מזבח העולה ואת כל כליו ואת שלחן המערכת ואת כל כליו ²⁰ ואת כל הכלים אשר הזניח המלך אחז במלכותו במעלו הכנו והקדשנו והנם לפני מזבח יהוה ²¹ וישכם וישחטו וישחטו המלך ויאסף את שרי העיר ויעל בית יהוה ²² ויביאו פרים שבעה ואילים שבעה וכבשים שבעה וצפירי עזים שבעה לחטאת על הממלכה ועל המקדש ועל יהודה ויאמר לבני אהרן הכהנים להעלות על מזבח יהוה ²³ וישחטו הבקר ויקבלו הכהנים את הדם ויזרקו המזבחה וישחטו האלים ויזרקו הדם המזבחה וישחטו הכבשים ויזרקו הדם המזבחה ²⁴ ויגישו את שעירי החטאת לפני המלך והקהל ויסמכו ידיהם עליהם ²⁵ וישחטום הכהנים

29 יחזקיהו מלך בן עשרים וחמש שנה ועשרים ותשע שנה מלך בירושלם ושם אמו אביה בת זכריהו ² ויעש הישר בעיני יהוה ככל אשר עשה דויד אביו ³ הוא בשנה הראשונה למלכו בחדש הראשון פתח את דלתות בית יהוה ויחזקם ⁴ ויבא את הכהנים ואת הלויים ויאספם לרחוב המזרח ⁵ ויאמר להם שמעוני הלויים עתה התקדשו וקדשו את בית יהוה אלהי אבותיכם והוציאו את הנדה מן הקדש ⁶ כי מעלו אבותינו ועשו הרע בעיני יהוה אלהינו ויעזבהו ויסבו פניהם ממשכן יהוה ויתנו ערף ⁷ גם סגרו דלתות האולם ויכבו את הנרות וקטרת לא הקטירו ועלה לא העלו בקדש לאלהי ישראל ⁸ ויהי קצף יהוה על יהודה וירושלם ויתנם ^{לזועה} לזועה לשמה ולשרקה כאשר אתם ראים בעיניכם ⁹ והנה נפלו אבותינו בחרב ובנינו ובנותינו ונשינו בשבי על זאת ¹⁰ עתה עם לבבי לכרות ברית ליהוה אלהי ישראל וישב ממנו חרון אפו ¹¹ בני עתה אל תשלו כי בכם בחר יהוה לעמד לפניו לשרתו ולהיות לו משרתים ומקטרים ¹² ויקמו הלויים מחת בן עמשי ויואל בן עזריהו מן בני הקהתי ומן בני מררי קיש בן עבדי ועזריהו בן יהללאל ומן הגרשני יואח בן זמה ועדן בן יואח ¹³ ומן בני אליצפן שמרי ^{ועואל} ויעיאל

יתקדשו הכהנים כי הלויים ישרי לבב
להתקדש מהכהנים³⁵ וגם עלה לרב
בחלבי השלמים ובנסכים לעלה ותכון
עבודת בית יהוה³⁶ וישמח יחזקיהו וכל
העם על ההכין האלהים לעם כי בפתאם
היה הדבר פ

30 וישלח יחזקיהו על כל ישראל
ויהודה וגם אגרות כתב על אפרים
ומנשה לבוא לבית יהוה בירושלם לעשות
פסח ליהוה אלהי ישראל² ויועץ המלך
ושריו וכל הקהל בירושלם לעשות הפסח
בחדש השני³ כי לא יכלו לעשתו בעת
ההיא כי הכהנים לא התקדשו למדי
והעם לא נאספו לירושלם⁴ וישר הדבר
בעיני המלך ובעיני כל הקהל⁵ ויעמידו
דבר להעביר קול בכל ישראל מבאר
שבע ועד דן לבוא לעשות פסח ליהוה
אלהי ישראל בירושלם כי לא לרב עשו
ככתוב⁶ וילכו הרצים באגרות מיד המלך
ושריו בכל ישראל ויהודה וכמצות המלך
לאמר בני ישראל שובו אל יהוה אלהי
אברהם יצחק וישראל וישב אל הפליטה
הנשארת לכם מכף מלכי אשור⁷ ואל
תהיו כאבותיכם וכאחיכם אשר מעלו

ויחטאו את דמם המזבחה לכפר על כל
ישראל כי לכל ישראל אמר המלך
העולה והחטאת²⁵ ויעמד את הלויים בית
יהוה במצלתים בנבלים ובכנרות במצות
דויד וגד חזה המלך ונתן הנביא כי ביד
יהוה המצוה ביד נביאיו ס ויעמדו
הלויים בכלי דויד והכהנים
בחצצרות ס ויאמר חזקיהו להעלות
העלה להמזבח ובעת החל העולה החל
שיר יהוה והחצצרות ועל ידי כלי דויד
מלך ישראל²⁸ וכל הקהל משתחווים
והשיר משורר והחצצרות **מחצצרים**
מחצרים^y הכל עד לכלות העלה²
⁹ וככלות להעלות כרעו המלך וכל
הנמצאים אתו וישתחוו³⁰ ויאמר יחזקיהו
המלך והשרים ללויים להלל ליהוה בדברי
דויד ואסף החזה ויהללו עד לשמחה
ויקדו וישתחוו פ
³¹ ויען יחזקיהו ויאמר עתה מלאתם ידכם
ליהוה גשו והביאו זבחים ותודות לבית
יהוה ויביאו הקהל זבחים ותודות וכל
נדיב לב עלות³² ויהי מספר העלה אשר
הביאו הקהל בקר שבעים אילים מאה
כבשים מאתים לעלה ליהוה כל
אלה³³ והקדשים בקר שש מאות וצאן
שלשת אלפים³⁴ רק הכהנים היו למעט
ולא יכלו להפשיט את כל העלות ויחזקום
אחיהם הלויים עד כלות המלאכה ועד

c We read one or more accents in L differently than BHS. Often this notation indicates a typographical error in BHS.

c We read one or more accents in L differently than BHS. Often this notation indicates a typographical error in BHS.

y Yathir readings in L which we have designated as Qeres when both Dothan and BHS list a Qere.

הפסח בלא ככתוב כי התפלל יחזקיהו עליהם לאמר יהוה הטוב יכפר בעד¹⁹ כל לבבו הכין לדרוש האלהים יהוה אלהי אבותיו ולא כטהרת הקדש ׀ וישמע יהוה אל יחזקיהו וירפא את העם ׀ ויעשו בני ישראל הנמצאים בירושלם את חג המצות שבעת ימים בשמחה גדולה ומהללים ליהוה יום ביום הלויים והכהנים בכלי עז ליהוה ׀ וידבר יחזקיהו על לב כל הלויים המשכילים שכל טוב ליהוה ויאכלו את המועד שבעת הימים מזבחים זבחי שלמים ומתודים ליהוה אלהי אבותיהם ׀ ויועצו כל הקהל לעשות שבעת ימים אחרים ויעשו שבעת ימים שמחה²⁴ כי חזקיהו מלך יהודה הרים לקהל אלף פרים ושבעת אלפים צאן ׀ והשרים הרימו לקהל פרים אלף וצאן עשרת אלפים ויתקדשו כהנים לרב²⁵ וישמחו כל קהל יהודה והכהנים והלויים וכל הקהל הבאים מישראל והגרים הבאים מארץ ישראל והיושבים ביהודה²⁶ ותהי שמחה גדולה בירושלם כי מימי שלמה בן דויד מלך ישראל לא כזאת בירושלם ׀ ויקמו הכהנים הלויים ויברכו את העם וישמע בקולם ותבוא תפלתם למעון קדשו לשמים ׀

ביהוה אלהי אבותיהם ויתנם לשמה כאשר אתם ראים⁸ עתה אל תקשו ערפכם כאבותיכם תנו יד ליהוה ובאו למקדשו אשר הקדיש לעולם ועבדו את יהוה אלהיכם וישב מכם חרון אפו⁹ כי בשובכם על יהוה אחיכם ובניכם לרחמים לפני שוביהם ולשוב לארץ הזאת כי חנון ורחום יהוה אלהיכם ולא יסיר פנים מכם אם תשובו אליו ׀ ויהיו הרצים עברים מעיר לעיר בארץ אפרים ומנשה ועד זבלון ויהיו משחיקים עליהם ומלעגים במ¹¹ אך אנשים מאשר ומנשה ומזבלון נכנעו ויבאו לירושלם¹² גם ביהודה היתה יד האלהים לתת להם לב אחד לעשות מצות המלך והשרים בדבר יהוה¹³ ויאספו ירושלם עם רב לעשות את חג המצות בחדש השני קהל לרב מאד¹⁴ ויקמו ויסירו את המזבחות אשר בירושלם ואת כל המקטרות הסירו וישליכו לנחל קדרון¹⁵ וישחטו הפסח בארבעה עשר לחדש השני והכהנים והלויים נכלמו ויתקדשו ויביאו עלות בית יהוה¹⁶ ויעמדו על עמדם כמשפטם כתורת משה איש האלהים הכהנים זרקים את הדם מיד הלויים¹⁷ כי רבת בקהל אשר לא התקדשו והלויים על שחיתת הפסחים לכל לא טהור להקדיש ליהוה¹⁸ כי מרבית העם רבת מאפרים ומנשה יששכר וזבלון לא הטהרו כי אכלו את

הראש לבית צדוק ויאמר מהחל התרומה לביא בית יהוה אכול ושבוע והותר עד לרוב כי יהוה ברך את עמו והנותר את ההמון הזה ¹¹ ויאמר יחזקיהו להכין לשכות בבית יהוה ויכינו ¹² ויביאו את התרומה והמעשר והקדשים באמונה ועליהם נגיד ^{כונניהו} ^{כונניהו} הלוי ושמעי אחיהו משנה ¹³ ויחיאֵל ועזזיהו ונחת ועשהאל וירימות ויוזבד ואליאֵל ויסמכיהו ומחת ובניהו פקידים מיד ^{כונניהו} ^{כונניהו} ושמעי אחיו במפקד יחזקיהו המלך ועזריהו נגיד בית האלהים ¹⁴ וקורא בן ימנה הלוי השוער למזרחה על נדבות האלהים לתת תרומת יהוה וקדשי הקדשים ¹⁵ ועל ידו עדן ומנימן וישוע ושמעיהו אמריהו ושכניהו בערי הכהנים באמונה לתת לאחיהם במחלקות כגדול כקטן ¹⁶ מלבד התיחשם לזכרים מבן שלוש שנים ולמעלה לכל הבא לבית יהוה לדבר יום ביומו לעבודתם במשמרותם כמחלקותיהם ¹⁷ ואת התיחש הכהנים לבית אבותיהם והלויים מבן עשרים שנה ולמעלה במשמרותיהם במחלקותיהם ¹⁸ ולהתיחש בכל טפם נשיהם ובניהם ובנותיהם לכל קהל כי באמונתם יתקדשו קדש ¹⁹ ולבני אהרן הכהנים בשדי מגרש עריהם בכל עיר ועיר אנשים אשר נקבו בשמות לתת

31 וככלות כל זאת יצאו כל ישראל^p הנמצאים לערי יהודה וישברו המצבות ויגדעו האשרים וינתצו את הבמות ואת המזבחת מכל יהודה ובנימן ובאפרים ומנשה עד לכלה וישבו כל בני ישראל איש לאחזתו לעריהם ² ויעמד יחזקיהו את מחלקות הכהנים והלויים על מחלקותם איש כפי עבדתו לכהנים וללויים לעלה ולשלמים לשרת ולהדות ולהלל בשערי מחנות יהוה ³ ומנת המלך מן רכושו לעלות לעלות הבקר והערב והעלות לשבתות ולחדשים ולמעדים ככתוב בתורת יהוה ⁴ ויאמר לעם ליושבי ירושלם לתת מנת הכהנים והלויים למען יחזקו בתורת יהוה ⁵ וכפרץ הדבר הרבו בני ישראל ראשית דגן תירוש ויצהר ודבש וכל תבואת שדה ומעשר הכל לרב הביאו ⁶ ובני ישראל ויהודה היושבים בערי יהודה גם הם מעשר בקר וצאן ומעשר קדשים המקדשים ליהוה אלהיהם הביאו ויתנו ערמות ערמות ⁷ בחדש השלשי החלו הערמות ליסוד ובחדש השביעי כלו ⁸ ויבאו יחזקיהו והשרים ויראו את הערמות ויברכו את יהוה ואת עמו ישראל ⁹ וידרש יחזקיהו על הכהנים והלויים על הערמות ¹⁰ ויאמר אליו עזריהו הכהן

y Yathir readings in L which we have designated as Qeres when both Dothan and BHS list a Qere.

p We read punctuation in L differently from BHS.

ירושלימה והוא על לכיש וכל ממשלתו עמו על יחזקיהו מלך יהודה ועל כל יהודה אשר בירושלם לאמר ¹⁰ כה אמר סנחריב מלך אשור על מה אתם בטחים וישבים במצור בירושלם ¹¹ הלא יחזקיהו מסית אתכם לתת אתכם למות ברעב ובצמא לאמר יהוה אלהינו יצילנו מכף מלך אשור ¹² הלא הוא יחזקיהו הסיר את במתיו ואת מזבחתיו ויאמר ליהודה ולירושלם לאמר לפני מזבח אחד תשתחוו ועליו תקטירו ¹³ הלא תדעו מה עשיתי אני ואבותי לכל עמי הארצות היכול יכלו אלהי גוי הארצות להציל את ארצם מידי ¹⁴ מי בכל אלהי הגוים האלה אשר החרימו אבותי אשר יכול להציל את עמו מידי כי יוכל אלהיכם להציל אתכם מידי ¹⁵ ועתה אל ישיא אתכם חזקיהו ואל יסית אתכם כזאת ואל תאמינו לו כי לא יוכל כל אלוה כל גוי וממלכה להציל עמו מידי ומיד אבותי אף כי אלהיכם לא יצילו אתכם מידי ¹⁶ ועוד דברו עבדיו על יהוה האלהים ועל יחזקיהו עבדו ¹⁷ וספרים כתב לחרף ליהוה אלהי ישראל ולאמר עליו לאמר כאלהי גוי הארצות אשר לא הצילו עמם מידי כן לא יציל אלהי יחזקיהו עמו מידי ¹⁸ ויקראו בקול גדול יהודית על עם ירושלם אשר על החומה ליראם ולבהלם למען ילכדו את העיר ¹⁹ וידברו אל אלהי ירושלם כעל אלהי עמי הארץ מעשה ידי

מנות לכל זכר בכהנים ולכל התיחש בלויים ²⁰ ויעש כזאת יחזקיהו בכל יהודה ויעש הטוב והישר והאמת לפני יהוה אלהיו ²¹ ובכל מעשה אשר החל בעבודת בית האלהים ובתורה ובמצוה לדרש לאלהיו בכל לבבו עשה והצליח פ

32 אחרי הדברים והאמת האלה בא סנחריב מלך אשור ויבא ביהודה ויחן על הערים הבצרות ויאמר לבקעם אליו ² וירא יחזקיהו כי בא סנחריב ופניו למלחמה על ירושלם ³ ויועץ עם שריו וגבריו לסתום את מימי העינות אשר מחוץ לעיר ויעזרוהו ⁴ ויקבצו עם רב ויסתמו את כל המעינות ואת הנחל השוטף בתוך הארץ לאמר למה יבואו מלכי אשור ומצאו מים רבים ⁵ ויתחזק ויבן את כל החומה הפרוצה ויעל על המגדלות ולחוצה החומה אחרת ויחזק את המלוא עיר דויד ויעש שלח לרב ומגנים ⁶ ויתן שרי מלחמות על העם ויקבצם אליו אל רחוב שער העיר וידבר על לבבם לאמר ⁷ חזקו ואמצו אל תיראו ואל תחתו מפני מלך אשור ומלפני כל ההמון אשר עמו כי עמנו רב מעמו ⁸ עמו זרוע בשר ועמנו יהוה אלהינו לעזרנו ולהלחם מלחמתנו ויסמכו העם על דברי יחזקיהו מלך יהודה פ ⁹ אחר זה שלח סנחריב מלך אשור עבדיו

המשלחים עליו לדרש המופת אשר היה בארץ עזבו האלהים לנסותו לדעת כל בלבבו³² ויתר דברי יחזקיהו וחסדיו הנם כתובים בחזון ישעיהו בן אמוץ הנביא על ספר מלכי יהודה וישראל³³ וישכב יחזקיהו עם אבתיו ויקברוהו במעלה קברי בני דויד וכבוד עשו לו במותו כל יהודה וישבי ירושלים וימלך מנשה בנו תחתיו פ

33 בן שתים עשרה שנה מנשה במלכו וחמשים וחמש שנה מלך בירושלים² ויעש הרע בעיני יהוה כתועבות הגוים אשר הוריש יהוה מפני בני ישראל³ וישב ויבן את הבמות אשר נתן יחזקיהו אביו ויקם מזבחות לבעלים ויעש אשרות וישתחו לכל צבא השמים ויעבד אתם⁴ ובנה מזבחות בבית יהוה אשר אמר יהוה בירושלים יהיה שמי לעולם⁵ ויבן מזבחות לכל צבא השמים בשתי חצרות בית יהוה⁶ והוא העביר את בניו באש בגי בן הנם ועונן ונחש וכשף ועשה אוב וידעוני הרבה לעשות הרע בעיני יהוה להכעיסו⁷ וישם את פסל הסמל אשר עשה בבית האלהים אשר אמר אלהים אל דויד ואל שלמה בנו בבית הזה ובירושלים אשר בחרתי מכל שבטי ישראל אשים את שמי לעילום⁸ ולא אוסיף להסיר את רגל

האדם ס²⁰ ויתפלל יחזקיהו המלך וישעיהו בן אמוץ הנביא על זאת ויזעקו השמים פ²¹ וישלח יהוה מלאך ויכחד כל גבור חיל ונגיד ושר במחנה מלך אשור וישב בבשת פנים לארצו ויבא בית אלהיו ומיציאו ומיציאי מעיו שם הפילהו בחרב²² ויושע יהוה את יחזקיהו ואת ישבי ירושלים מיד סנחריב מלך אשור ומיד כל וינהלם מסביב²³ ורבים מביאים מנחה ליהוה לירושלים ומגדנות ליחזקיהו מלך יהודה וינשא לעיני כל הגוים מאחרי כן ס²⁴ בימים ההם חלה יחזקיהו עד למות ויתפלל אל יהוה ויאמר לו ומופת נתן לו²⁵ ולא כגמל עליו השיב יחזקיהו כי גבה לבו ויהי עליו קצף ועל יהודה וירושלים²⁶ ויכנע יחזקיהו בגבה לבו הוא וישבי ירושלים ולא בא עליהם קצף יהוה בימי יחזקיהו²⁷ ויהי ליחזקיהו עשר וכבוד הרבה מאד ואצרות עשה לו לכסף ולזהב ולאבן יקרה ולבשמים ולמגנים ולכל כלי חמדה²⁸ ומסכנות לתבואת דגן ותירוש ויצהר וארות לכל בהמה ובהמה ועדרים לאורות²⁹ וערים עשה לו ומקנה צאן ובקר לרב כי נתן לו אלהים רכוש רב מאד³⁰ והוא יחזקיהו סתם את מוצא מימי גיחון העליון ויישרם למטה מערבה לעיר דויד ויצלח יחזקיהו בכל מעשהו³¹ וכן במליצי שרי בבל

והעתר לו וכל חטאתו ומעלו והמקמות אשר בנה בהם במות והעמיד האשרים והפסלים לפני הכנעו הנם כתובים על דברי חוזי²⁰ וישכב מנשה עם אבתיו ויקברוהו ביתו וימלך אמון בנו תחתיו פ²¹ בן עשרים ושתים שנה אמון במלכו ושתים שנים מלך בירושלם²² ויעש הרע בעיני יהוה כאשר עשה מנשה אביו ולכל הפסילים אשר עשה מנשה אביו זבח אמון ויעבדם²³ ולא נכנע מלפני יהוה כהכנע מנשה אביו כי הוא אמון הרבה אשמה²⁴ ויקשרו עליו עבדיו וימיתוהו בביתו²⁵ ויכו עם הארץ את כל הקשרים על המלך אמון וימליכו עם הארץ את יאשיהו בנו תחתיו פ

34 בן שמונה שנים יאשיהו במלכו ושלשים ואחת שנה מלך בירושלם² ויעש הישר בעיני יהוה וילך בדרכי דויד אביו ולא סר ימין ושמאול³ ובשמונה שנים למלכו והוא עודנו נער החל לדרוש לאלהי דויד אביו ובשתים עשרה שנה החל לטהר את יהודה וירושלם מן הבמות והאשרים והפסלים והמסכות⁴ וינתצו לפניו את מזבחות הבעלים והחמנים אשר למעלה מעליהם גדע והאשרים והפסלים והמסכות שבר והדק ויזרק על פני הקברים הזבחים להם⁵ ועצמות כהנים

ישראל מעל האדמה אשר העמדתי לאבתים רק אם ישמרו לעשות את כל אשר צויתים לכל התורה והחקים והמשפטים ביד משה⁹ ויתע מנשה את יהודה וישבי ירושלם לעשות רע מן הגוים אשר השמיד יהוה מפני בני ישראל פ

¹⁰ וידבר יהוה אל מנשה ואל עמו ולא הקשיבו¹¹ ויבא יהוה עליהם את שרי הצבא אשר למלך אשור וילכדו את מנשה בחחים ויאסרוהו בנחשתים ויוליכוהו בבלה¹² וכהצר לו חלה את פני יהוה אלהיו ויכנע מאד מלפני אלהי אבתיו¹³ ויתפלל אליו ויעתר לו וישמע תחנתו וישיבהו ירושלם למלכותו וידע מנשה כי יהוה הוא האלהים¹⁴ ואחרי כן בנה חומה חיצונה לעיר דויד מערבה לגיחון בנחל ולבוא בשער הדגים וסבב לעפל ויגביהה מאד וישם שרי חיל בכל הערים הבצרות ביהודה¹⁵ ויסר את אלהי הנכר ואת הסמל מבית יהוה וכל המזבחות אשר בנה בהר בית יהוה ובירושלם וישלך חוצה לעיר¹⁶ ויבן את מזבח יהוה ויזבח עליו זבחי שלמים ותודה ויאמר ליהודה לעבוד את יהוה אלהי ישראל¹⁷ אבל עוד העם זבחים בבמות רק ליהוה אלהיהם¹⁸ ויתר דברי מנשה ותפלתו אל אלהיו ודברי החזים המדברים אליו בשם יהוה אלהי ישראל הנם על דברי מלכי ישראל¹⁹ ותפלתו

משה¹⁵ ויען חלקיהו ויאמר אל שפן
 הסופר ספר התורה מצאתי בבית יהוה
 ויתן חלקיהו את הספר אל שפן¹⁶ ויבא
 שפן את הספר אל המלך וישב עוד את
 המלך דבר לאמר כל אשר נתן ביד
 עבדיך הם עשים¹⁷ ויתיכו את הכסף
 הנמצא בבית יהוה ויתנוהו על יד
 המפקדים ועל יד עושי המלאכה¹⁸ ויגד
 שפן הסופר למלך לאמר ספר נתן לי
 חלקיהו הכהן ויקרא בו שפן לפני
 המלך¹⁹ ויהי כשמע המלך את דברי
 התורה ויקרע את בגדיו²⁰ ויצו המלך את
 חלקיהו ואת אחיקם בן שפן ואת עשיה
 בן מיכה ואת שפן הסופר ואת עשיה
 עבד המלך לאמר²¹ לכו דרשו את יהוה
 בעדי ובעד הנשאר בישראל וביהודה על
 דברי הספר אשר נמצא כי גדולה חמת
 יהוה אשר נתכה בנו על אשר לא שמרו
 אבותינו את דבר יהוה לעשות ככל
 הכתוב על הספר הזה פ
²² וילך חלקיהו ואשר המלך אל חלדה
 הנביאה אשת שלם בן **תוקהת תקהת** בן
 חסרה שומר הבגדים והיא יושבת
 בירושלם במשנה וידברו אליה
 כזאת פ²³ ותאמר להם כה אמר יהוה
 אלהי ישראל אמרו לאיש אשר שלח
 אתכם אלי פ²⁴ כה אמר יהוה הנני
 מביא רעה על המקום הזה ועל יושביו
 את כל האלות הכתובות על הספר אשר
 קראו לפני מלך יהודה²⁵ תחת אשר

שרף על **מזבחותים** **מזבחותם** ויטהר את
 יהודה ואת ירושלם⁶ ובערי מנשה
 ואפרים ושמעון ועד נפתלי **בהר בתיהם**
בחרבתיהם סביב⁷ וינתן את המזבחות
 ואת האשרים והפסלים כתת להדק וכל
 החמנים גדע בכל ארץ ישראל וישב
 לירושלם פ⁸ ובשנת שמונה עשרה
 למלכו לטהר הארץ והבית שלח את שפן
 בן אצליהו ואת מעשיהו שר העיר ואת
 יואח בן יואחז המזכיר לחזק את בית
 יהוה אלהיו⁹ ויבאו אל חלקיהו הכהן
 הגדול ויתנו את הכסף המובא בית
 אלהים אשר אספו הלויים שמרי הסף מיד
 מנשה ואפרים ומכל שארית ישראל
 ומכל יהודה ובנימן **וישבי** **וישבו**
 ירושלם¹⁰ ויתנו על יד עשה המלאכה
 המפקדים בבית יהוה ויתנו אתו עושי
 המלאכה אשר עשים בבית יהוה לבדוק
 ולחזק הבית¹¹ ויתנו לחרשים ולבנים
 לקנות אבני מחצב ועצים למחברות
 ולקרות את הבתים אשר השחיתו מלכי
 יהודה¹² והאנשים עשים באמונה
 במלאכה ועליהם מפקדים יחת ועבדיהו
 הלויים מן בני מררי וזכריה ומשלם מן בני
 הקהתים לנצח והלויים כל מבין בכלי
 שיר¹³ ועל הסבלים ומנצחים לכל עשה
 מלאכה לעבודה ועבודה ומהלויים
 סופרים ושטרים ושוערים¹⁴ ובהוציאם
 את הכסף המובא בית יהוה מצא חלקיהו
 הכהן את ספר תורת יהוה ביד

ישראל ויעבד את כל הנמצא בישראל
לעבוד את יהוה אלהיהם כל ימיו לא סרו
מאחרי יהוה אלהי אבותיהם פ

35 ויעש יאשיהו בירושלם פסח ליהוה
וישחטו הפסח בארבעה עשר לחדש
הראשון² ויעמד הכהנים על משמרותם
ויחזקם לעבודת בית יהוה³ ויאמר ללויים
המבונים המבינים לכל ישראל הקדושים
ליהוה תנו את ארון הקדש בבית אשר
בנה שלמה בן דויד מלך ישראל אין לכם
משא בכתף עתה עבדו את יהוה אלהיכם
ואת עמו ישראל⁴ והכוננו^q לבית
אבותיכם כמחלקותיכם בכתב דויד מלך
ישראל ובמכתב שלמה בנו⁵ ועמדו
בקדש לפלגות בית האבות לאחיכם בני
העם וחלקת בית אב ללויים⁶ ושחטו
הפסח והתקדשו והכינו לאחיכם לעשות
כדבר יהוה ביד משה פ
⁷ וירם יאשיהו לבני העם צאן כבשים ובני
עזים הכל לפסחים לכל הנמצא למספר
שלשים אלף ובקר שלשת אלפים אלה
מרכוש המלך ס⁸ ושריו לנדבה לעם
לכהנים וללויים הרימו חלקיה וזכריהו
ויחיאל נגידי בית האלהים לכהנים נתנו
לפסחים אלפים ושש מאות ובקר שלש
מאות⁹ וכונניהו וכנניהו ושמעיהו ונתנאל

עזבוני ויקטירו ויקטרו^y לאלהים אחרים
למען הכעיסני בכל מעשי ידיהם ותתך
חמתי במקום הזה ולא תכבה²⁶ ואל מלך
יהודה השלח אתכם לדרוש ביהוה כה
תאמרו אליו ס כה אמר יהוה אלהי
ישראל הדברים אשר שמעת²⁷ יען רך
לבבך ותכנע מלפני אלהים בשמעך את
דבריו על המקום הזה ועל ישביו ותכנע
לפני ותקרע את בגדיך ותבך לפני וגם
אני שמעתי נאם יהוה²⁸ הנני אספך אל
אבתיך ונאספת אל קברתיך בשלום ולא
תראינה עיניך בכל הרעה אשר אני מביא
על המקום הזה ועל ישביו וישיבו את
המלך דבר פ

²⁹ וישלח המלך ויאסף את כל זקני יהודה
וירושלם³⁰ ויעל המלך בית יהוה וכל איש
יהודה וישבי ירושלם והכהנים והלויים וכל
העם מגדול ועד קטן ויקרא באזניהם את
כל דברי ספר הברית הנמצא בית
יהוה³¹ ויעמד המלך על עמדו ויכרת את
הברית לפני יהוה ללכת אחרי יהוה
ולשמור את מצותיו ועדותיו וחקיו בכל
לבבו ובכל נפשו לעשות את דברי
הברית הכתובים על הספר הזה³² ויעמד
את כל הנמצא בירושלם ובנימן ויעשו
ישבי ירושלם כברית אלהים אלהי
אבותיהם³³ ויסר יאשיהו את כל
התועבות מכל הארצות אשר לבני

n Marks an anomalous form.

q We have abandoned or added a ketib/qere relative to BHS. In doing this we agree with L against BHS.

y Yathir readings in L which we have designated as Qeres when both Dothan and BHS list a Qere.

וישראל הנמצא ויושבי
ירושלם ¹⁹ בשמונה עשרה שנה
למלכות יאשיהו נעשה הפסח
הזה ²⁰ אחרי כל זאת אשר הכין יאשיהו
את הבית עלה נכו מלך מצרים להלחם
בכרכמיש על פרת ויצא לקראתו
יאשיהו ²¹ וישלח אליו מלאכים לאמר מה
לי ולך מלך יהודה לא עליך אתה היום כי
אל בית מלחמתי ואלהים אמר לבהלני
חדל לך מאלהים אשר עמי ואל
ישחיתך ²² ולא הסב יאשיהו פניו ממנו כי
להלחם בו התחפש ולא שמע אל דברי
נכו מפי אלהים ויבא להלחם בבקעת
מגדו ²³ וירו הירים למלך יאשיהו ויאמר
המלך לעבדיו העבירוני כי החליתי
מאד ²⁴ ויעבירוהו עבדיו מן המרכבה
וירכיבהו על רכב המשנה אשר לו
ויוליכהו ירושלם וימת ויקבר בקברות
אבתיו וכל יהודה וירושלם מתאבלים על
יאשיהו ^פ

²⁵ ויקונן ירמיהו על יאשיהו ויאמרו כל
השרים והשרות בקינותיהם על יאשיהו
עד היום ויתנום לחק על ישראל והנם
כתובים על הקינות ²⁶ ויתר דברי יאשיהו
וחסדיו ככתוב בתורת יהוה ²⁷ ודבריו
הראשנים והאחרנים הנם כתובים על
ספר מלכי ישראל ויהודה

36 ויקחו עם הארץ את יהואחז בן
יאשיהו וימליכהו תחת אביו

אחיו וחשביהו ויעיאל ויוזבד שרי הלויים
הרימו ללויים לפסחים חמשת אלפים
ובקר חמש מאות ¹⁰ ותכון העבודה
ויעמדו הכהנים על עמדם והלויים על
מחלקותם כמצות המלך ¹¹ וישחטו
הפסח ויזרקו הכהנים מידם והלויים
מפשיטים ¹² ויסירו העלה לתתם
למפלגות לבית אבות לבני העם להקריב
ליהוה ככתוב בספר משה וכן
לבקר ¹³ ויבשלו הפסח באש כמשפט
והקדשים בשלו בסירות ובדודים
ובצלחות ויריצו לכל בני העם ¹⁴ ואחר
הכינו להם ולכהנים כי הכהנים בני אהרן
בהעלות העולה והחלבים עד לילה
והלויים הכינו להם ולכהנים בני
אהרן ¹⁵ והמשררים בני אסף על מעמדם
כמצות דוד ואסף והימן וידתון חוזה
המלך והשערים לשער ושער ¹ אין להם
לסור מעל עבדתם כי אחיהם הלויים
הכינו להם ¹⁶ ותכון כל עבודת יהוה ביום
ההוא לעשות הפסח והעלות עלות על
מזבח יהוה כמצות המלך
יאשיהו ¹⁷ ויעשו בני ישראל הנמצאים
את הפסח בעת ההיא ואת חג המצות
שבעת ימים ¹⁸ ולא נעשה פסח כמהו
בישראל מימי שמואל הנביא וכל מלכי
ישראל לא עשו כפסח אשר עשה
יאשיהו והכהנים והלויים וכל יהודה

¹ BHS has been faithful to the Leningrad Codex where there might be a question of the validity of the form and we keep the same form as BHS.

ויקש את ערפו ויאמץ את לבבו משוב
אל יהוה אלהי ישראל¹⁴ גם כל שרי
הכהנים והעם הרבו למעול מעל^q ככל
תעבות הגוים ויטמאו את בית יהוה אשר
הקדיש בירושלם¹⁵ וישלח יהוה אלהי
אבותיהם עליהם ביד מלאכיו השכם
ושלוח כי חמל על עמו ועל מעונו¹⁶ ויהיו
מלעבים במלאכי האלהים ובוזים דבריו
ומתעתעים בנבאיו עד עלות חמת יהוה
בעמו עד לאין מרפא¹⁷ ויעל עליהם את
מלך כשדיים^{כשדיים} כשדים ויהרג בחוריהם בחרב
בבית מקדשם ולא חמל על בחור
ובתולה זקן וישש הכל נתן בידו¹⁸ וכל
כלי בית האלהים הגדלים והקטנים
ואצרות בית יהוה ואצרות המלך ושריו
הכל הביא בבל¹⁹ וישרפו את בית
האלהים וינתצו את חומת ירושלם וכל
ארמנותיה שרפו באש וכל כלי מחמדיה
להשחית^ס ויגל השארית מן החרב
אל בבל ויהיו לו ולבניו לעבדים עד מלך
מלכות פרס²¹ למלאות דבר יהוה בפי
ירמיהו עד רצתה הארץ את שבתותיה
כל ימי השמה שבתה למלאות שבעים
שנה פ

²² ובשנת אחת לכורש מלך פרס לכלות
דבר יהוה בפי ירמיהו העיר יהוה את רוח
כורש מלך פרס ויעבר קול בכל מלכותו
וגם במכתב לאמר^ס כה אמר

בירושלם² בן שלוש ועשרים שנה יואחז
במלכו ושלשה חדשים מלך
בירושלם³ ויסירהו מלך מצרים בירושלם
ויענש את הארץ מאה ככר כסף וככר
זהב⁴ וימלך מלך מצרים את אליקים
אחיו על יהודה וירושלם ויסב את שמו
יהויקים ואת יואחז אחיו לקח נכו
ויביאהו מצרימה פ

⁵ בן עשרים וחמש שנה יהויקים במלכו
ואחת עשרה שנה מלך בירושלם ויעש
הרע בעיני יהוה אלהיו⁶ עליו עלה
נבוכדנאצר מלך בבל ויאסרהו בנחשתים
להליכו בבלה⁷ ומכלי בית יהוה הביא
נבוכדנאצר לבלל ויתנם בהיכלו
בבבל⁸ ויתר דברי יהויקים ותעבתיו אשר
עשה והנמצא עליו הנם כתובים על ספר
מלכי ישראל ויהודה וימלך יהויכין בנו
תחתיו פ

⁹ בן שמונה שנים יהויכין במלכו ושלשה
חדשים ועשרת ימים מלך בירושלם ויעש
הרע בעיני יהוה¹⁰ ולתשובת השנה שלח
המלך נבוכדנאצר ויבאהו בבלה עם כלי
חמדת בית יהוה וימלך את צדקיהו אחיו
על יהודה וירושלם פ

¹¹ בן עשרים ואחת שנה צדקיהו במלכו
ואחת עשרה שנה מלך בירושלם¹² ויעש
הרע בעיני יהוה אלהיו לא נכנע מלפני
ירמיהו הנביא מפי יהוה¹³ וגם במלך
נבוכדנאצר מרד אשר השביעו באלהים

n Marks an anomalous form.

q We have abandoned or added a ketib/qere relative to BHS. In doing this we agree with L against BHS.

כורש מלך פרס כל ממלכות הארץ נתן
לי יהוה אלהי השמים והוא פקד עלי
לבנות לו בית בירושלם אשר ביהודה מי
בכם מכל עמו יהוה אלהיו עמו ויעל

End of 2 Chronicles

The Westminster Leningrad Codex

Version 4.16

2 Chronicles

Attributed to:

Shemu'el ben Ya'akov
Aharon ben-Mosheh ben-Asher
ca 1008

Active maintenance of machine-readable version:

Stephen K. Salisbury, Editor
steve@grovescenter.org

Kirk E. Lowery, Senior editor
kirk@grovescenter.org

Transcription to Unicode/XML:

Christopher V. Kimball
transcriber@tanach.us

Edition:

Unicode/XML Westminster Leningrad Codex

<http://www.tanach.us/Tanach.xml>

Transcribed by WLC2XML of 6 Jun 2010 at 01 Jun 2012 @ 10:24:07. Build number:
23.0. Converted to ODT by XML2ODT.xml dated 22 Dec 2010 on 2012.06.01-10.27.
Build number: 23.0 . 41 pages. Layout: Full; Content: Consonants.

This document is in the public domain.